



30  
25  
20  
15  
10  
5

四書大金說約合卷之九

祁昌穀天祐

丹陽吳荃著

受業門人范倫俊升金校

汪繼堪子任

論語

述而第七

此篇多記聖人謙已謙人之辭及其容貌行事之實凡三十七章

述而章全旨

此章自敘其立言之本首句是以述自任信而好古是述而不作之本信又是好之本

子曰述而不作信而好古竊比於我老彭

好古聲

述傳舊而已作則創始也故作非聖人不能而述則賢者可以竊比尊之之辭我親之之辭老子彭商賢大夫見太戴禮蓋信古而傳述者也孔子刪詩書定禮樂贊周易脩春秋皆傳先王之舊而未嘗有所作也故其自言如此蓋不惟不敢當作者之聖而亦不敢顯然自附於古之賢人蓋其德愈盛而心愈下不自知其辭之謙也然當是時作者略備夫子益集

群聖之大成而折衷之其事雖述而功則倍於作矣此又不可不知也

參序當時有以作者之聖稱夫子故夫子辭之日立言之道有二有前人已爲而後人傳之者謂之述有前人未爲而自創始之者謂之作作非聖人不能而述則猶可自勉也我惟述舊聞而不敢妄作正以古人所作皆載道之文傳心之典天下之理備矣我深信而不疑而篤好不厭沮見其在所當述而無用于復作也商先老彭原

如此信古傳述我竊比于老彭而已

析講麟

七云述而不作五句是與老彭合底刪詩書等勿入

刪疏老彭常時但脩述先王之道而不自制作篤信而好古事孔子言我亦爾則文段似言老彭述而不作信而好古而我竊比之文法倒裝耳尤蘊藉○集註于老彭下先着蓋信古而傳述者也一句孔子刪詩書等已自說竊比矣則于下麟七云兩句合底者意亦略同○備考老彭姓錢名鑑帝顥頃之孫至殷之末年七百有餘歲而不衰故曰老彭彭少好恬靜惟以養神治生爲事及爲大夫稱疾不與政事好觀覽古籍以政教大夫以官教士以技教庶人揚則抑抑則揚

總以德行不任以言○述指刪述六經說古卽六經味刪述者信而好之者信其言之不誣而樂之不倦也竊比云者心慕其人故倣而效之也既不敢當作者又不敢顯然自附于述者謙而又謙也陳新安曰天地之常經至一而不可二也聖人所以爲聖人惟期發明此理耳理備于古無不可增加不過損益以修明之耳敢自作聰明亂舊章乎

上學誨重不厭倦上皆就心上說何有于我正有汲汲求之之意

默而章全旨

此聖人望道未見之心三句以一理貫說蓋所學者卽子所得之理而所譏者卽所學之理也識重默

予曰默而識之學而不厭誨入不倦何有於我哉識音志又如字○識記也默識謂不言而存諸心也一說識知也不言而心解也前說近是何有於我言何者能有於我也三者已非聖人之極至而猶不敢當則謙而又謙之辭也

參大全子曰凡人之求道必平時講貫方能記得或因人提撕方能存得若默而識之乃不言而存諸心蓋心與理契如

此由是又加學習之功，而雖久不厭，不以既得而自足也。且視人猶已，諄諄誨之，而無倦怠，必欲同得乎善，而無私焉。此三者學者之所貴也。返而觀之，果何者有于我哉？我用是自勉矣。

析講三十句是三節，須是心無間斷，方能如此。胡氏曰：學貴自得，故在默識自得，而不自以爲得。故能學而不厭，自得而必欲人之同得，故能誨人不倦。默而識之，不待講說，誦讀，而自記得也。此非着力記憶，蓋理得于心，而自不能忘耳。學而不厭者，真知義理之無窮，益知所未知，行所未行，而無厭斅之意也。誨人不倦者，真見物我之一體，必欲人盡能知，盡能行，而無倦怠之心也。此便造到純亦不已，境界地位盡高，而曰非極至者，蓋對聖人之生安者言也。此乃夫子餘事，而曰何有于我者，蓋望道未見，惟日不足之意耳。

德之章全旨 此章以日新之學爲主，四平看勿卑重德。德與學以治心窮理，相對義興，不善以遷善，改過，相對憂患，吾憂見非他人所能分其憂也。朱子曰：聖人固無是四者之憂，亦自賤以教人之意。

子曰：德之不脩，學之不講，聞義不能徙，不善不能改，是吾憂也。

尹氏曰：德必脩，而後成；學必講，而後明；見善能徙，改過，不答。此四者，日新之要也。苟未能之，聖人猶憂，況學者乎？參直解子曰：吾所固有之德，必日修之，而後成。若于德不能省察克治，以去其累，吾所當盡之學，必日講之，而後明。若學不能講習討論，以窮其理，義貴日遷，徙以從之，而後善可積。若已聞義，不能遷而徙之，以從其新過，貴日改之，而後惡可去。若有不善，不能克而去之，以革其舊，則德日卑，而理日蔽。善日損，而過日長，將無以日進。于高明爲吾所深憂也，敢自己乎？

析講麟土云：是吾憂也。邢疏憂已恐有不修、不講、不徙、不改之事，較時解爲捷。王觀濤曰：吾憂是憂勤，非徒憂懼。聖人憂勤，惕厲之心，卽修之，講之，徙之，改之之心，是字有他，非所憂。意德指性，言勿浮外面，與徒義相犯。修字有解，佐治而去之者，又似與改不善相犯。還是存養省察，理會本體，意居多。

○尹註 曰 新意是主腦。德者我所得于天之理仁義禮智是也。此理在吾心而不能不據于物欲故必修治之。蓋去其累德者而德乃成也。此以行言卽大學誠正修中庸篤行之事講學是常去講論他習其所已知究其所未知使所學之理無不明也。此以知言卽大學格致中庸學問思辨之事從義自己所爲有不合宜處聞人道如何方是恰好便從而從之不善是過惡不止不合宜而已改者自覺其非理而以理易之也。日新者謂德日純學日明善日進惡日消而皆馴致乎聖賢之城也。于此而有未能能無憂乎。

### 子之章全旨

此見聖人容色因時之妙只重不拘邊不可以不拘不肆平對兩如者見聖人德容氣象未嘗形容姑借此以擬議之耳莫中江云燕居凡隨地獨處非事上接下見賓承祭之時便是不必泥定家居。

### 子之燕居申申如也 天天如也

燕居閒暇無事之時楊氏曰申申其容舒也天天其色愉也。參序記者謂吾夫子德盛體充而容色之著臚在各得其宜。如間居無事非見賓承祭之時但見其容申申如而有展布之意也。但見其色夭夭如而有和悅之意也。蓋德性極其純備故容貌合于中和如此。

析講大全胡氏曰惟身可言舒布故知以容言惟面貌可言和悅故知以色言。淺說申申夭夭對嚴肅敬慎說不對怠惰放肆說故程子中和之說在圈外。太抵拘廻非舒有怠排遣亦非舒嚴肅非和有意愉悅亦非和夫子自然而然所以下詩出志字蓋夜之所夢畫之所思也所思處卽是志不夢周公可見其衰久不夢周公可見其甚。陳新安曰雖閒居時其德容亦自然中規如此所以爲至人也。

甚矣章全旨 此爲不能行周公之道而發衰是血氣衰老非志慮衰也孔子就無夢上見氣血之衰老子又就夢上詩出志字蓋夜之所夢畫之所思也所思處卽是志不夢周公可見其衰久不夢周公可見其甚。

子曰甚矣吾衰也久矣吾不復夢見周公

復扶一  
又反

孔子盛時志欲行周公之道故夢寐之間如或見之至其老而不能行也則無復是心而亦無復之夢矣故因此而自歎其衰之甚也。程子曰孔子盛時寤寐常存行周公之道。父其老也則志慮衰而不可以有爲矣蓋存道者心無老少之異而行道者身老則衰也。

參淺說予曰凡人年有老少故氣有盛衰吾氣之衰也何以驗之蓋吾向世氣盛之時志欲行周公之道故嘗夢見周公而今也久矣不復夢見周公卽此觀之可見吾衰之甚矣

析講陳氏曰此亦道不行之符兆自見于吾身者○張南軒曰孔子夢見周公之心周公思兼三王之心也蔡虛齋曰不夢文武而獨夢周公者其心只欲爲周公所爲若夢見文武則亦是無將之志矣他日有日吾其爲東周亦是要做周公與文武之道

### 志於章全肯

此章備舉心學之全功欲人循其序而交修之也當行之謂道行而得之謂德道全德脩之謂仁道德仁散于禮樂射御書數之謂藝忠是一理而有內外本末之殊者也四平看但前三句一連說末句另說方見內外

### 子曰志於道

志者心之所之謂道則人倫日用之間所當行者是也知此而心必之焉則所適者正而無他歧之惑矣合叅予曰爲學莫先于立志而道乃日用當行之理志不在于則趨向差矣故必以道爲終身之準的而耑心致志以求之此爲學之始事也是則謂朱子曰志字如有所向望求索之意○胡氏曰道猶路也故遁字他岐字皆自路言之○語類思量講究持守蹊蹠皆是志念念不舍即是總說須是有許多實事○道者日用當然之理如事親必要孝事君必要忠推之舉兄信友皆是道也志于道謂心向乎此直志不是空志善從此用知行工夫了了

### 據於德

據音居

據者執守之意德則行道而有得於心者也得之

於心而守之不失則終始惟一而有日新之功矣

令然道而曰志猶未得也由是行此道而有得于心則謂之德德而不據則持守之功不繼能保得者之不失乎故學

之繼要據于德此道既得之須時時聚一管不使或失則有日積月累之功矣

析譜德是這物事得于我若是未得則一無可據者既得之方有可據但又在守之固耳註日新

之功四字宜玩不是專專只守于德

## 依於仁

依者不違之謂仁則私欲盡去而心德之全也功夫至此而無終食之違則存養之熟無適而非天理之流行矣參存養德不必其皆全得十件亦謂之德得十件亦謂之德皆不得謂仁必心德全萬善備方謂之仁而不依則心德未至千純熟不能無間斷時而全者虧矣故必依于仁無終食之間違仁違次必于一是顛沛必于六是則存養熟而無一毫私欲之間矣

陳氏曰據始乎熟杖依如

事親能孝亦是德事兄能敬亦是德仁則道全德備合衆理而兼有之但要心常在此不致少有妄作則欲不不得而累之而仁始與我爲之而仁始與我爲之身着衣杖有時離乎衣則不容須臾或離也

## 游於藝

游者玩物適情之謂藝則禮樂之文射御書數之法皆至理所寓而日用之不可闕者也朝夕游焉以博其義理之趣則應務有餘而心亦無所放矣○此章言人之爲學當如是也蓋學莫先於立志志道則心存於正而不他據德則道得於心而不失依仁則德性常用而物欲不行游藝則小物不遺而勤息有養學者於此有以不失其先後之序輕重之倫焉則本末兼該内外交養日用之間無少間隙而涵泳從容忽不自知其於聖賢之城矣

參朱子至于名物度數皆有至理存焉皆人所日用而不可無者又必隨其餘力游心于此則可以盡乎物理周乎世用而其優游涵泳之間非僻之心亦無自而入之矣夫志據依

而本立矣游藝而未該矣本以裕乎內

未以裕乎外內外交養而心學全矣哉

析講存疑

游藝之功與志道據德依仁亦是先行如餘力學

文意不是

未到依仁時且都不及待到依仁後方從事也

胡氏曰

玩物非美詞然以六藝爲物而玩之非喪志之物也

或問六藝之目

朱子曰五禮吉凶軍賓嘉也六樂雲門大咸

大韶大夏大濩大武也五射白矢參連刻注

襄良开儀也五御鳴和鑾逐水曲過君表舞交衢逐會左也

六書象形會意

指事轉注假借諸聲也九數方由栗布差分少廣商功均輸

方程羸木足窮要也

○自志道而據德而依仁則本之在內

者固無不盡矣

使求之在外者猶有株周是亦學者分內之

久一事也故又要游藝

游藝者察敷窮神觀文悟理借此爲養

心之助非役志于浩博也

小學以藝爲先只是習其事而不

必通其意此之游藝則博其趣而窪其理故有先後之不同

自行章全旨

此夫子自發其誨人不倦

子曰自行束脩以上吾未嘗無誨焉

脩脯也十疋爲束古者相見必執禮以爲禮束脩其至薄皆蓋人之有生同具此理故聖人之於人無不欲其入於善但不知來學則無往教之禮故苟

以禮來則無不有以教之也

參序子曰人生皆善則皆當有以教之但不知來學則無往教之理耳苟可行束脩以上雖厚薄或殊而知以禮來吾未嘗不誨諱然誨之不倦焉亦在學者之自勉已耳

析講束脩至薄以上自至薄以至于至厚猶言隨其厚薄之不同也○王觀濤曰作文勿添厚字爲妙只見得載贊而來重束脩上束脩之禮所以將其誠也胡氏曰聖人有教無類惟自暴自弃則亦無如之何故有不往教之禮熟贊而來重至薄意則可取故未嘗不誨之也

誨字雖不脫身教此且就言教一遺說

此欲學者勉于用力以爲受教之地不敢不發不

復一一側三平看勿以下限承上二十艮○上章聖人

設教之心此章

不憤章全旨

聖人施教之道

子曰不憤不啟不悱不發舉一隅不以三隅反則

不復也

憤房粉反悱芳

匪反復扶又反

憤者心求通而未得之意悱者口欲言而未能之貌啟謂開其意發謂達其辭物之有四隅者舉一可知其三反者還以相證之義復再告也上章已言聖人誨人不倦之意因井記此欲學者勉於用力以爲受教之地也。程子曰憤悱誠意之見於色辭者也待其誠至而後告之既告之又必待其自得乃復告爾又曰不待憤悱而發則知之不得能擊固待其憤悱而後發則沛然矣

令衆子曰君子教人必視人之受教有地而後可以施吾造就之方如人之求道有下求通未得憤然鬱懃不能自己者謂之憤憤則有可啟之机吾爲之開其意則豁然通矣若不憤則其慮也不深啟之亦無得便不啟有欲言未能悱然而抑不能自伸者謂之悱悱則有可發之机吾爲之達其詞則陽然達矣若不悱則其進也不勇發之亦無得便不發至若理之相因而見者猶物之有四隅也我舉一隅以示之彼不能

明仲觸類以三隅反証則不復更端以告之益始而教之既執滯而不悟則雖復教之亦扞格而不通矣則不復也斯講憤悱是能疑者反三隅是能悟者○講不啟處要見得非不欲啟也以啟之無益而反生疑惑也不發不復亦如此議反三隅只借言推類之多○麟士云六不字作三項亦一定之解○按時文俱議作俟其識悟將開方迎机而利導之固是然玩詎未得未能意似勿大好只是心不求通口不盡言不以所舉者還証如並不肯資力于學之類不必其到處地位也如必俟此等而後教此者將不教歟○憤悱在不教之先三友在既教之後此竝立教者心上斟酌因人以施也○張南軒曰學貴于思而後有得憤悱者思索已久發而未暢誠意懇切形于言貌也于是而教之則聽無不事矣朱子曰譬如有種植之物人力已加但正當欲發生未發生之際却欠些子雨忽然得雨生意豈可禦也○憤悱有可遇之机啟則開明其意中之事令彼豁然也悱則有可達之机發則暢發其口中之所欲言使無阻滯也不然雖欲啟之發之而反于學者意言之所未及則扞格不相入矣一陞三十反者借言物之有類也所復者又別一件道理所謂史端之

教非卽以二三隅復之也。舉一隅，其三隅須是學者自己理會。不然，是不能用力，而了悟之途塞故。不再告猶言下此。

一理尚不能推類相質，則不復別舉一理告之也。

**子食章全旨**

此聖人必至之情，而中節之妙，自見。喪側不飽，以下心爲心也。只炤誑，兩不能意。聞發自見，至情。蓋聖人同體之悲，自有如此真摯耳。

**子食於有喪者之側，未嘗飽也。**

臨喪哀不能甘也。

參序記者謂子哀有喪，若食于其側，則不能甘味，未常飽也。

**子於是日哭則不歌。**

哭謂弔哭。一日之內，餘哀未忘，即不能歌也。○謝氏曰：學者於此二者，可見聖人情性之正，也能識聖人之情性，然後可以學道。

參邢疏子於是日聞喪，或弔入而哭矣。則餘哀未忘，終是日，自不能歌舞。

**子謂章全旨**

此章前以出處之時許顏子後以義理之勇，進子路。七下不必牽強聯合。

**子謂顏淵曰：用之則行，舍之則藏，惟我與爾有是。**

**夫**  
舍上聲

夫，音扶。

尹氏曰：用舍無與於已，行藏安於所遇。

命不足道也。顏子幾於聖人，故亦能之。

參序子謂顏淵曰：身世之間，因時而應。世苟用之，時可行也。

則出而行。世苟舍之，時可藏也。則退而藏。不先爲期，不後爲

滯。可用，可行，可藏，與時偕宜，而

無所係累于心。惟我與爾有是夫。

析講二則，字要體認先事，無預擬。臨時無商度。既事無排着，合見圓活，不滯處。○淺說行藏只是身之出處，而道自與之俱，不必云用之。則有可行舍之，則有可藏。○張氏曰：子謂顏淵曰：通爲一句。如子謂子夏曰：亦是也。後章子謂顏淵句絕。

而曰字自爲一句如子謂仲尼曰亦是也。○蒙引有是夫猶云能然也不是有其具。○黃氏曰用之舍之存乎人則行則藏應乎已則無意無我可見矣用之行矣至舍之則藏舍之藏矣至用之則行則無必無固可見矣。用之二句一則字有兩層意一是行藏本領素具于用舍之先一是行藏作用不滿于用舍之際蓋平時有志達道進義退禮學問故用卽行一舍卽藏亦惟與時消息心無係累故能可行則行可藏則藏兩句亦須互看方得蓋欲扶世立功名者知行而不知藏欲潔身遺世者知藏而不知行如伊尹之任未免于必行伯夷之清未免于必藏夫子無可無不可所以見得荷忠之妙王觀濤曰我與爾我孤爾也非許與之與下二節與字又是相與共事之與與此不同。

## 子路曰子行三軍則誰與

萬二千五百人爲軍大國三軍子路見孔子獨美顏淵自負其勇意夫子若行三軍必與已同參序子路因子獨與顏淵問曰子若行三軍則誰人可與意以勇自負也

子曰暴虎馮河死而無悔者吾不與也必也臨事而懼好謀而成者也

好去聲

暴虎徒博馮河徒步懼謂敬其事成謂成其謀言此皆以抑其勇而教之然行師之要實不外此子路蓋不知也。○謝氏日聖人於行藏之間無意無必其行非貪位其藏非獨善也若有欲心則不用而求行舍之而不藏矣是以惟顏子爲可以與於此子路雖非有欲心者然未能無固必也至以行三軍爲問則其論益卑矣夫子之言蓋因其失而收之。夫不謀無成不懼必敗小事尚然而況於行三軍乎參序子曰三軍重矣如暴虎馮河徒恃血氣自擬必死而不以爲悔者此則有勇無謀用兵必至敗吾不與行三軍也必也其平日但凡臨事卽不勝戒慎好爲謀畫以求萬全之

策而又能果斷做去以成其謀者乃可與之行三軍也由可易言哉

析講 大全朱子曰 三軍要勇行三軍者要謀既好謀然又要成事蓋人固有好謀而事不成者亦不濟事蒙引臨事惧不可放過然必如此者乃可與行三軍亦自然之理○暴虎馮河便有死之理死而無悔其心之自擬者如此非必于死也若已死了何待說不與乎盖輕恃其勇鮮不敗事故不與臨事而惧則不輕易以喪功好謀而又能有成則不蓄疑以敗謀必如此之人乃可與行三軍慎不是懦怯乃持重謹畏之心所以爲慮者周也好謀而成成字有力須着而字一轉富而章全旨

此決言富不可求而人當求其在我也只重在如不可求二句上上文不過反言以起下句之意○夫子見世之慕富者往往舍所好以求之徒自取賤于天下故設言此以曉之說個從吾所好便見上句執鞭之士非所好矣不可求以命言如字是斷決之詞所好以吾心之義理言瞿昆湖云理義得之于天而具之于我爲人心之所同然故曰所好安于義理是以義安命以道制欲意觀下繼以何

子曰富而可求也雖執鞭之士吾亦爲之如不可

求從吾所好

好去聲

執鞭賤者之事設言富若可求則雖身爲賤役以求之亦所不辭然有命焉非求之可得也則安於義理而已矣何必徒取辱哉○蘇氏曰聖人未嘗有意於求富也豈問其可不可哉爲此語者特以明其決不可求爾楊氏曰君子非惡富貴而不求以其在天無可求之道也參序子曰人情趋富謂其可求耳使富而可以人力求也雖執鞭至賤之士吾亦因可以得富而爲之矣其如有命焉而不可強求何則亦從吾所好之義理而安之耳何必終日營營以徒取辱哉

析講 大全陳氏曰此章爲中人以下假設言之耳命所以安人中人義所以責君子○或問小註蘓氏曰聖人將教人以安求則人猶有得之心時迫于聖人而止則亦有時而作矣故告之以不可求以爲商其閑閭固其局鑰不如開門發箧而

示之以無有也。存疑聖人此語爲中人以下者言則本文兩吾字俱指中人說然看朱註設言二十字就作聖人自言情詞正妙也。

子之章全旨

所慎所尤慎也夫子無所不謹此特舉其關切之所最要者言之慎齋則不慢神慎戰則不輕敵慎疾則不輕生俱是理當如此勿說到利害禍福上去失聖人局而面

子之所慎齊戰疾

齊側

齊之爲言齊也將祭而齊其思慮之不齊者以交於神明也誠之至與不至神之饗與不饗皆決於此戰則衆之所以死主國之存亡繫焉疾又吾身之所以死生存亡者皆不可以不謹也○尹氏曰夫子無所不謹弟子記其大者耳合參記者謂夫子之心不待揔而常存固無所不慎而所尤加之意者有三焉齊則盡其誠以交神明戰則謀其成以衛民社疾則謹漸防微以保厥身凡此皆重大切要而不敢忽者也

析講三者在聖人身俱要說得自然

楊氏曰夫子齊必變

食行三十軍則臨事而惧康子餽藥未達不敢當觀此則其慎可見○邢疏禮祭散齊七日致齊三十日左傳曰背陳曰戰

子之章全旨

此章是夫子心美韶樂要見神可得而

會口不可得而言言不可得而盡之意

子在齊聞韶三月不知肉味曰不圖爲樂之至

於斯也

史記三月上有學之二字不知肉味蓋心一於是而不及乎他也曰不意舜之作樂至於如此之美則有以極其情文之備而不覺其歡息之深也蓋非聖人不足以及此○范氏曰韶盡美又盡善樂之無以加此也故學之三月不知肉味而歎美之如此誠之至感之深也

合參舜之後封于陳得用先代之樂自陳敬仲奔齊而韶樂有傳夫子一日在齊聞韶以素所欲聞者而得聞之是以樂慕之深至于三月之久其心只在是而不及乎他有不知肉味之爲甘者因嘆息曰韶之爲樂吾常得于后夔之所稱季札之所贊而知其美矣然不意其作樂之美至下此極也蓋

其情文之盛功德之隆如身歷

其時親見其人而深英之如此

衍講爲作也三月大約只是言其人不是真個九十月

氏曰三月自作一句點○聞是心領神會不圖非前此不知

今乃知之也只是言舜樂至美超于常樂之外非意料所及

○陳新安曰舜以上聖之德當極治之時故作爲韶樂自遠

過乎居聖之所作者夫子所以聞而心契之不知肉味只

形容他心與韶一意不異云者見得前此知其美而未親聞

今親聞之而妙不可言有非形容所能盡者○吳

氏程日學之二字史記增之以釋其意非本父也

冉有章全旨通章重一仁字夫子取夷齊在仁其不爲

衛君只爲他不仁非特爭與讓相反也

冉有章全旨

衛君只爲他不仁非特爭與讓相反也

冉有曰夫子爲衛君平子貢曰諾吾將問之

聲

爲猶助也衛君出公輒也靈公逐其世子蒯聵公薨而國人

立蒯聵之子輒於是晉納蒯聵而輒拒之時孔子居衛衛人

以蒯聵得罪於父而輒嫡孫當立故冉有疑而問之諾應辭也

冉有曰夫子爲衛君平子貢曰諾吾將問之

聲

參太子以兵拒父是多不順自不須疑問冉有以嫡孫

承重之法言之則輒于義或當立也因問子貢曰衛君之立

國人皆信其是而爲之矣夫子爲衛

君平子貢曰諾吾將見而問之也

析講

家引

不曰仕衛乎而曰爲衛君乎正當輒拒蒯聵時也

○當時衛輒拒父亦大不順夫子在衛不去而衛人以蒯聵

得罪于父輒嫡孫承重義所當立故冉有疑夫子爲之爲只

是許他當立意非立朝共事之謂王仲山云此冉有疑衛君

之非而欲得夫子之爲與否以折衷之非私議夫子也直解

云爲衛君與否人言固未可盡據吾心又不能無疑吾將問

之試觀其微意之所在也蓋二子之疑皆有爲不爲兩端問

之正以決乎此也附錄衛太子蒯聵聞宋野婁豬之歌欲殺

南子南子曉而走太子奔宋靈公命立公子郢郢辭公薨夫

人命子郢爲太子郢曰亾人太子聵之子輒在也乃立輒是

爲出公趙簡子欲入聵衛人聞之發兵擊聵不得入

入宿而保孔悝之母伯姬殖憚立聵是爲莊公輒奔魯

入曰伯夷叔齊何人也曰古之賢人也曰怨乎曰

四書正解 卷之九

# 求仁而得仁又何怨出曰夫子不爲也

伯夷叔齊孤竹君之二子其父將死遺命立叔齊父卒叔齊遜伯夷伯夷曰父命也遂逃去叔齊亦不立而逃之國人立其中子其後武王伐紂夷齊扣馬而諫武王滅商夷齊恥食周粟去隱於首陽山遂餓而死怨猶悔也君子告是邦不非其大夫況其君乎故子貢不斥衛君而以夷齊爲問夫子告之如此則其不爲衛君可知矣蓋伯夷以父命爲尊叔齊以天倫爲重其遜國也皆求所以合乎天理之正而卽乎人心之安既而各得其志焉則視棄其國猶敝屣爾何怨之有若衛輒之據國拒父而唯恐失之其不可同年而語明矣○程子曰伯夷叔齊遜國而逃諫伐而餓終

無怨悔夫子以爲賢故知其不與輒也

參蒙引子貢入見夫子曰伯夷叔齊何如人也曰二子遜國而逃其清風高節足垂後世自是古賢人也謂之賢人則是已許之矣子貢又以賢則賢矣設其所爲出于一時激發爲而猶有悔焉則衛君尚可恕也故復問曰二子遜國之後其心亦有所悔乎曰凡人有所求而不得則怨二子之心正欲

合乎天理卽人情所以求不也旣而各得其志焉則安于窮餓矣又何悔之有子貢於是乃悟曰夷齊兄弟讓國者也衛君父子爭國者也夫子旣以遜國者爲賢人又以爲無怨其與之深矣以是而反觀之則夫父子爭國者豈肯許之也哉

出論冉有曰夫子不爲也一問答間天倫之

大義昭然于天下矣聖賢之維持名教如此

新講賢人只就讓國說勿悲諫伐怨是怨悔不是怨恨○子貢不問衛事而問夷齊者蓋衛君之事不可以直指而古人之事則可以反觀故舉夷齊爲問朱子曰一個是父子爭國一個是兄弟讓國此是則彼非可知○何人問其制行也賢人就其清風高節言之賢夷齊已見得不爲衛君了而子貢曰怨乎又審其存心者盖二子雖賢而其所爲或出於一時激發過中之行而不能不怨悔于後一日則高世之行固難概之衆人而衛君之爭國尚有可恕焉者而夫子答以求仁得仁則輒之得罪于天理人心而見絕于聖人也不問而可知矣○求仁得仁註中合乎天理二句須串看本心誰無天理合乎天理之正方可卽乎人心之安夷齊之心合乎天理而後其心方安集註下二个安字便見二子不怨若怨則不安矣

輒之拒父全無天理。于心安平，意本胡雲峯。○瞿良弼湖云伯夷不敢安嫡庶之分，以違父命，叔齊不敢從父兄之命，以亂天倫。這便是求仁，伯夷安于逃，叔齊安于讓，而舉無不得之心。這便是得仁，看來問答須不泛不露，暗指其事而言之，方得。

飯疏章全旨

此章勿以安貧樂，輕富貴，並說只見得聖人之心，惟有真樂而已。全章重樂，亦在句浮雲富貴亦只是這個樂趣，勿用過文爲妙。

子曰：飯疏食飲水，曲肱而枕之，樂亦在其中矣。不義而富且貴，於我如浮雲。

飯符晚反食音嗣  
枕去聲樂音洛

飯食之也，疏食麤飯也。聖人之心渾然天理，雖處困極，而樂亦無不在焉。其視不義之富貴，如浮雲之無所有，漠然無所動。於其中也。○程子曰：非樂，疏食飲水也。雖疏食飲水，不能改其樂也。不義之富貴，視之輕如。

浮雲然又曰：須知所樂者何事？

參序子曰：人心隨遇爲忻戚者，皆其中無所得也。如所飯者

疏食所飲者，水曲其肱而枕之，我之困已極，然吾胸中真樂亦已在其中矣。初不以窮困而或失也。彼不食于義而富且貴，雖飲食居處可以極人生之欲，然于我視之，直如浮雲然。何動于中也。而又安足移吾之樂哉？

析講解土

曲肱與疏水一例，然託本言困極樂亦處方好，作

轉今人多言陶然坦然，自偷適志，非其解也。○疏水曲肱，只閑閑寫個淡泊之境，非實事也。亦字可玩，聖心自有樂不但安常處順，而樂卽困極而樂亦在其中。是疏水曲肱中不可作心中。○陳新安曰：疏水枕肱，他人視爲困極，聖人樂無不人，在不自知其困極。張夫如云：浮雲于天，何涉不義？富貴于我亦何涉非薄富貴也？薄不義也。富貴若以義而得，聖人隨其所遇，若固有之，無厭鄙之心焉。但不義而富且貴，自不肯以彼易此耳。○饒雙峯曰：樂是聖人所固有，富貴是時之適然，人不處富貴，則在貧賤。聖人之樂處富貴，則在富貴中處貧賤，則在貧賤中。然樂在富貴中，見得不分曉。在貧賤中，分別不出，故當于貧賤處說。樂是性天之樂，不假于外，與貧賤富貴全不相干者，蓋聖人之心，左來右去，只是圍天理，所謂從心所欲，不踰距。蓋無時無處而不快活，不以貧富之異而

有所輕重于其間故雖處困極而樂亦無不在亦不因是而動其心于不義之富貴也下二十句就指貧賤時視他人富貴如此正見聖人自有真樂故能與貧賤相忘處非以安貧賤爲樂也此章富貴只就居處奉養之盛言不下指職位言曰如浮雲則不以易其疏食飲水之樂矣

### 加我章全旨

此是夫子韋編三絕學易有得時語也聖人之道卽是易道假年一嘆正深明易道之無窮以教人

亦是聖人惟日不足之意非前此學易未深而至此始欲假年以終之也

### 子曰加我數年五十以學易可以無大過矣

劉聘君見元城劉忠定公自言嘗讀他論加作假五十作卒蓋加假聲相近而誤讀卒與五十字相似而誤分也愚按此章之言史記作假我數年若是我於易則彬彬矣加正作假而無五十字蓋是時孔子年已幾七十矣五十字誤無疑也學易則明乎吉凶消長之理進退存亡之道故可以無大過蓋聖人深見易道之無窮而言此以教人使知其不可不學而又不可以易而學也

參序子曰天時之吉凶消長人事之進退存亡其理畢具于易乃聖人教人寡過之書也我今老矣使天再假我數年以卒中我學易之功居則觀其象而玩其辭動則觀其變而玩其占庶有以究夫天人之理而趨避必由于正雖未必全然無過而大過差處亦可以免矣夫

### 析講

太全朱子曰聖人一生學問未嘗自說無過至此境界

方言無大過是有小過在雖是謙詞然道理真無窮盡當看此等爲聖人氣象○真氏曰聖人作易不過推明陰陽消長之理而已人能體此則當進而進當退而退當存而存當亡而亡人道得而與天合矣故孔子之仕止人速用舍行藏全體皆易也○胡氏曰所謂無大過者易占辭于吉凶悔吝之外屢以無咎言之大要只要人無過故曰無咎者善補過也悔則過能改而至于吉吝則過不改而至于凶使人人皆知學易則皆可以無大過此夫子教人之深意○卒以學易言終其學易之功也所謂大過如時不行時不止動靜不合乎宜皆是註中吉凶消長以天時言進退存亡以人事言學易有得則上識天馬下盡人事動靜隨時而不滯赳赳以正而不流故可以無大過聖人心與易理相契身與易理

相符。豈待假年而後學易。豈待學易而後免過。正見下易道無窮終一身學之不盡。而欲大知其不可不學。且不可以易學。北

實只在理性。情道政事謹節文上看出。詩書執禮三平遯過歸重皆雅言也。句玩皆字宜合三意。

## 子所章全旨

此章見聖人立教。總要學者與于詩達于書。立于禮意。註中切于日用之實。句最重而切于日用之

誦說而已也。○程子曰。孔子雅素之言。止於如此。若性與天道。則有不可得而聞者。要在默而識之。

也。謝氏曰。此因學易之語而類記之。

參上子子有所常言之。以教人者如理性。情。有詩道政事。有書謹。甲文。有禮。皆日用切要。而夫子雅言之。不置者也。其立教可一切而有要矣。

析上

大全朱子曰。詩書尚是口說得底。惟禮要當執守。執禮亦是當時即有此名。詩書二者大而天地之情微細而人事

事。饒氏曰。禮有五禮。夫子所常言者只是言入日用所常用。執牛之禮不可闕者耳。若宗廟郊社朝覲會同非常所用者。則講之有時。亦不常及之也。○勿說是三經。夫子時未有禮經要。看熟字。○馮氏曰。易道精微。春秋紀變樂在有司。非所常用。言也。惟詩書禮切于日用常行之實。故常言之。○雅言不是自言。乃教人之常言也。玩一皆字。是記者述詩書禮。恍然會意。見夫子平日之言。隨舉一端。而不離。于是故曰。皆雅言也。皆字須活看。或有时。耑言書而可通乎詩禮。有时。耑言禮。而可兼乎詩書。或有时。不言詩書。執禮而得乎詩書禮之意。皆是。○輔慶源曰。詩所以咏吟。性情故誦之者。可以理。性情。理。猶治也。書所以紀載政事。故誦之者。可以道政事。道。贊述也。禮。所以著天理之節文。故執之者。可以謹節文。謹謂毫釐有所必試也。

葉公章全旨

此章大旨只學而不厭。一句盡之。平路不對兼善。二意說下。節爲人。一字重看。發憤三句。正其爲人。之實也。美木云爾。緊相呼應。言只我之爲人。只是如此。初無難言也。

葉公問孔子於子路子路不對

葉舒涉反

葉公楚葉縣尹沈諸梁字子高僭稱公也葉公不知孔子必有非所問而問者故子路不對抑亦以聖人之德實有未易名言者與

參序葉公問孔子之爲人于子路而子路不對析講太全陳氏曰一則葉公不足以知聖人二則子路自難以言語形容聖人○問孔子者問其爲人何如也觀下節便知出矣

子曰文奚不曰其爲人也發憤忘食樂以忘憂

不知老之將至云爾

味得則發憤而忘食已得則樂之而忘憂以是二者僥幸耳日有孳孳而不知年數之不足但自言其好學之篤耳然深味之則見其全體至極純亦不已之妙有非聖人不能及者蓋凡夫子之自言類如此學者宜致思焉

參義說子聞之謂子路曰葉公之問蓋欲知我之爲人也

當時何不對之曰其爲人也惟篤于好學而已于理未有得也則發憤以求之直至于忘食及與既得而樂之也雖事之在所可憂者亦忘之矣常憤常樂終身乎斯而不知其老之將至云爾汝何不以是告葉公耶

析講太全朱子曰忘食忘憂是逐事上說故可遂言不知老之將至而爲聖人之謙詞若作終身只此一憤一樂說則憤短樂長不可並連下句而亦不見聖人旨趣之意矣○發憤便能忘食樂便能忘憂更無些小係累無所不用其極但見義理之無窮不知身世之可憂歲月之有變也○二忘字一不知字總是一化境不知老之將至只發揮常常憤樂不必着相○其爲人也管下三句當一氣說下重在末句一方見好學篤處忘食是形容憤之極忘憂是形容樂之至忘老是形容憤樂循環不已直解云天下之義理無窮未得而求之以至未于得則憤者未嘗不樂有得而尚有未得則樂者又未嘗不憤是以日有孜孜而無所止息雖年老將至有不自知焉者此意最說得曉暢云爾言終身此爲人別無他寄也○饒雙峯日憤與樂相反聖人發憤便至忘食樂便至忘憂是兩邊各造其極如寒至寒之極暑至暑之極故曰全體至極兩者

循環不已。所以不知年之將至此。是聖心純乎天理。別無他嗜好。所以自然學之不厭。故曰純亦不已。全體說。橫樂至極。說忘食。忘憂。純亦不已。說不知老。之將至。

**我非章全旨**

此章雖說知實說學而知古字提起。好以心言。敏求以功言。俱承古字來。古指理言。蓋前言往行莫

非理也。

**子曰我非生而知之者好古敏以求之者也**

好去聲

生而知之者氣質清明義理昭著不待學而知也。敏速也。謂汲汲也。○尹氏曰孔子以生知之聖每云好學者非惟勉人也。蓋生而可知者義理爾。若夫禮樂名物古今事變亦必待學而後有以驗其實也。

參序子曰人見我之與知平道也。或以生知曰我矣。自我言之。世有生來氣質清明而義理自然昭著不待學而知之者。我非然也。我則以古人之前言往行皆精義至理。所在信而好之。而汲汲然敏以求之。惟恐有不逮也。蓋勤學之功有不可誣焉耳。夫生而知者哉。

析講

朱子

日聖人看得道理淵不自滿足。所以其言如此。非

全無事實而但爲議詞也。○此必當時以生知稱之。故夫子辭之。○饒雙峯曰生知是合下知得此理。好古敏求是文于事物上參究此理。正發明尹註意。○兩之二字俱指義理說。二者字俱指人說。生知學知。世間原有此二種人。夫子則是生知。而又好學者。蓋其義理合下完具。却不能自以爲知。事事理會過博。學審問參。古人不能自己。此所以爲聖人也。然其自言。則不居生知而居學知。正朱子所謂移向下一步。以教入意。○上句以質言。下句以學言。知之求之。正相對說。知則無待于求。求則從此可進。于知然。夫子自信。不以言生知而言求。且不言求知而言求之。卽此見聖心之虛知且。不居。况生知乎。故議求之處。弗認作求知方得。

**子不章全旨**

註中理字是主。惄力亂俱非理之正故。

不當言神。又理之至微。却未易言也。

**子不語怪力亂神**

怪異勇力。悖亂之事。非理之正。固聖人所不語。鬼神造化之迹。雖非不正。然非窮理之至。有未易明者。故亦不輕以語。入也。○謝氏曰聖人語常而不語怪。語德而不語力。語治而不

語亂語人而不語神

參序記者謂夫子教人固無所隱然有所不語以爲教者如怪異反常勇力姑德悖亂害治鬼神惑人皆不與人語者其爲世道人心防者深哉

析講或問夫子于春秋紀災異戰伐篡亂于易論鬼神今日不語何也朱子曰聖人平日常言蓋不及是其不得已而及乏則士三者必有訓戒焉于神則論其理以曉當世之惑非若世人之徒語而反以惑人也然其及之亦鮮矣○宋引不目不言而曰不語者又有個分別蓋人雖言及已亦不答故云答述曰語自言曰言而本註一則曰聖人所不語一則曰不輕以語人也總不以之教人說○語怪則啟人惑語方則啟人爭語亂則啟人以慾逆之事語神則啟人馳心于幽渺故夫子謹之無非爲世道人心防也○怪異怪誕不經勇力尚血氣而不顧義理悖

亂如臣子叛君父之類

三人章全旨

此章總見人貴能自得師心無往而不存師無往而不有却在能擇上決其必有更在能從改上始

爲得師

子曰三人行必有我師焉擇其善者而從之其不善者而改之

三人同行其一我也被二人者一善一惡則我從其善而改其惡焉是二人者皆我師也○尹氏曰見賢思齊見不賢而內自省則善惡皆我之師進善其有窮乎參注說子曰人能存心爲己豈必授受樂群之時而後有師哉就是彼此三人相與同行必有我師焉師也者所以引人爲善戒人爲不善以成人之德者也三人同行其一爲我彼二人者豈無合于理而爲善者乎我則擇其善者景仰取法以從之是善固我之師也豈無不合于理而爲不善者于我則反觀內省改其所爲而不由之焉是惡亦我之師也何以遠求爲哉

析講人皆以傳道授業方謂之師不知吾有求師之心則隨在告師此言三人則非群居言同行則非受業于此而謂必有我師者師不在人而在吾心也從改俱從擇字來從之謂依他樣做改之謂不與之類也師所以長善教失故從善固

是得師改惡亦是得師善不善俱從言行說二人之善不善不必泥定一善一惡如兩人皆善則皆當從兩人皆惡則皆當改而一人之身有善有惡則當從其善而改其惡如此則無適而非我師矣借彼警我而恐惧修省故不善亦曰我師

天生章全旨 生德于予固是聖德亦宜輝融天宇重看以主宰言要在自信口氣中寓儆惧強暴之意夫子語弟

子以此蓋斷之以理而知其不能害已也然夫子既知天意而又微服過宋者盖有是天命又當盡人事耳

## 子曰天生德於予桓魋其如予何

雷反

桓魋宋司馬向魋也出於桓公故又稱桓氏魋欲害孔子孔子子諦天既賦我以如是之德則桓魋其奈我何言必不能違

天害已

合參昔桓魋欲害夫子而從者不能無惧故夫子曉之曰人之生死禍福皆出于天今天之生我而賦以如是之德則天心固自在矣天之所祐誰能違之桓魋亦人耳其奈我何哉夫子托天自信所以慰門人而亦所以警強暴也

析講吳氏

日夫子遭匡人桓魋之難則曰天生德于予文不

在茲乎以德言之以道言之此德則能任此道其實二而已矣○史記孔子適宋與弟子賀禮大樹之下魋伐其樹孔子微服去之弟子曰可以速矣子曰天生德于予桓魋其如予何遂之鄭○聖人雖知其不能害已然避患未嘗不深避患雖深而處之未嘗不暇○附錄古今姓纂云宋桓公子向父名騤驥向成爲季孫氏焉向魋宋司馬向成之曾孫仁山金氏目蓋宋桓公之後別爲向氏又世

爲司馬故又以司馬爲氏司馬牛其弟也

## 二三章全旨

此章指恩聖道之無可隱也聖人之道與在皆寓首句作一語無隱一句一証一解曰我曰吾曰丘正是聖人把自家指點與他道這纔是丘不必過疑爲高深也

子曰二三子以我爲隱乎吾無隱乎爾吾無行而不與二三子者是丘也

諸弟子以夫子之道高深不可幾及故疑其有隱而不知聖人作止語默無非教也故夫子以此言曉之與猶示也○程

子曰聖人之道猶天然門弟子親炙而冀及之然後知其高且遠也使誠以爲不可及則趨向之心不幾於怠乎故聖人之教常脩而就之如此非獨使資質庸下者勉思企及而才氣高邁者亦不敢驟易而進也呂氏曰聖人體道無

隱與天象昭然莫非至教常以示人而人所不察

參淺說諸弟子疑夫子之道高深而平日教人無甚高深之論是必有所隱而然故夫子釋之曰二十三子以我爲有所隱秘而不相示者乎吾無隱乎爾蓋道理在人原自隱藏不得

吾身之所在卽道之所在亦卽教之所在吾無所行而不昭然示爾二十三子者是丘之所以爲丘也二十三子試三察之亦

可以諒我無隱矣蓋聖人作止語

默無非至教而諸弟子味之惜耳

析講<sub>麟</sub>王云蒙引以與字對隱字捷甚通義欲于隱字入言字以對行字却似添也○無行不與猶無往不與也與言行字不同若把行作言行之行便該不得作止語默來○與、對、隱言見其自不審隱也不與則隱無行不與則無隱二十三子以隱處丘不知隱者非丘無行不與是丘首尾正相呼應○不欲隱者夫子之心不審隱者斯道之體無行不與有此

意無行不與猶言無時無事不是教二十三子處也精粗大小都是道夫子所示者雖若卑近而高深者實存焉要在學者下學上達自見得耳如子貢得性道後方知性道之不易開正所謂自得也二十三子儘力尋夫子只在言語上求未免當面錯過殊不知夫子動靜語默皆是教原不外流在言語上着力夫子說個是丘令他當下便見全重在指點二十三子之自得不徒表白自己教人也

此記夫子立教之要也四教平看不可分先後深急教以學文修行知行當俱盡也教以忠信義義

賞俱實也四者亦于一時並進之中累分次第不是

文學到了然後教之以行到了然後教之忠信也

## 子以四教文行忠信

聲

程子曰教人以學文脩行而存忠信也忠信本也  
參淺說門人說夫子以四者教人四者何一日文道載于書必學文以明其理也一日行道切于日用必修行以履其事也一日忠道存乎已發乎心者必無忘念之不盡也三日信道公于人應乎物者必無忘事之不實也此四者夫子之

所以教也

析講忠信有體用之分不然只是三件而非四教矣又近說文行告以忠信爲主又總作一教矣俱可抹却○四者搃是身心切務正夫子教人切近下手處故物舉可該四件有缺不可意蓋文而無行則無以實驗其事行而無文則無以窮究其理忠而非信則不能至誠接物信而非忠則不能發已自盡文行而不忠信則文行亦失之虛忠信而無文行則忠信亦流于朴此四者相須之意不可不知若饒幾率施教有序及朱子先文後行而忠信又力行之本等意皆非本章之正旨

聖人章全旨

此章重致重有恒意聖學只從篤實做起有實心實行卽爲作聖之基故先提聖人而後由君子善人遞思到有恒末節慨言人之無恒正見有恒之可思可以由善人君子而漸進于聖人也

子曰聖人吾不得而見之矣得見君子者斯可矣

聖人神明不測之號君子才德出衆之名

參大

全子曰天下之人等第雖殊而隨其眞學皆

一一進如

子曰善人吾不得而見之矣得見有恒者斯可矣

恒胡

登反

子曰字疑衍文恒常久之意張子曰有恒者不貳其心善人者志於仁而無惡學至于聖人則造乎極而無以復加吾不得而見之矣君子雖未及乎聖人然其才德超出於衆則其爲學亦已成但大而未化耳吾得而見之斯亦可以慰吾見聖之心矣

亦可

以慰吾見聖之心矣

恒者不貳其心善人者志於仁而無惡參輔氏子曰善人雖未必知學然其資質之美自然至于善而不至于惡吾不得而見之矣至于有恒者則資質又有不及善人但亦純固而不及虛謙守其一端則終身不易其所造正未可量矣吾得而見之斯亦可以慰吾見聖之心矣

析講

朱子曰善人是資質好底人自然無惡有恒只是把捉得定雖未到自然好處然善人有恒皆未知學問者也此爲思其上著而不可得故思其次之意王觀濤曰兩不得見不可說氣運衰微不似夫子勉人意聖人不得見當云既無性

# 亡而爲有，虛而爲盈，約而爲泰，難乎有恒矣

亡讀爲無，

三者皆虛妄之事。凡若此者必不能守其常也。○張敬夫曰：聖人君子以學言，善人有恒者以質言。愚謂有恒者之與聖人高下固懸絕矣。然未有不自有恒而能至於聖者也。故章末申言有恒之義，其示人入德之門可謂深切而著明矣。參朱子謂之有恒不過質實無僞者耳。柰何今世之人每全無而亡也。而爲實有之狀，本少有而虛也。而爲盈滿之狀，本約嗇也。而爲侈泰之狀，甚僞于一時而必不能守其常，難乎其有恒矣。有恒亦豈易見哉！人若能有恒而充之以學，則可以爲善人，爲君子，而漸及于聖人。此吾所以思見其人也。

雨集皆益其洞可待也。烏能以久矣。○語類問難，平有恒日。這是不說他無常只是這人恁地有頭無尾了。是難乎有常矣。將來又做不得如此便已是無常。○聖人君子以學言，而真在其中。善人有恒以質言，而皆未嘗學者也。聖人君子以學言，而真在也。君子大而未化者也。善人有善而無惡，如爲臣能忘爲子，能孝。但質美而未學耳。有恒是一個朴實頭。一言一動俱無虛僞。如有爲有無，爲無與下節反看，便見人惟貞實無僞。方能有常。抱此常心，漸進于有善無惡之域。則聖人君子之位亦可以馴致。夫子所以思之也。兩斯可矣。總是欲慰其慕聖人之初心處。言外便有欲見君子而不可必得欲見有恒而不可必得亦將如之何意。○麟士云：前兩節以學質對言，自不消說。然以質而加之以學，則四等遞進。自是一申事直，徂爲作聖之基。題中原有此理，非駁足也。但無後一節亦便可行。扯合凡題面兩開看者，俱不在此例。

## 子鈞章全旨

此見聖人游藝之中，亦寓曲成之仁。不綱，是不忍之心。爲心處，有說。謂聖人無心于鈞弋，而又焉知有綱與射

宿反不見聖人愛物之仁處不如前說爲妙

# 子釣而不綱弋不射宿

射食亦反

網以大繩屬網絕流而漁者也弋以生絲繫矢而射也宿宿鳥○洪氏曰孔子少貧賤爲養與祭或不得已而釣弋如獵較是也然盡物取之出其不意亦不爲也此可見仁人之本心矣待物如此待人可知小者如此大者可知

宋家弘評者謂夫子少賤時或爲祭祀賓客之需有時漁獵然其漁也以釣貪吾飼者取之而已而不用網絕流而盡取之其弋禽也只取其飛者宿者不射之爲出其不

意也此可見聖人于取物之中有愛物之仁也

析講網卽大繩弋卽生絲不曰網而曰網者以其大

繩屬網也不曰射而曰弋者以生絲繫矢而射也

# 蓋有章全旨

此爲聰明自用者而發上三句見已無不知之作

下三句言已之致知所以無妄作而示人求知之方意亦在其中

# 子曰蓋有不知而作之者我無是也多聞擇其

識者

不知而作不知其理而妄作也孔子自言未嘗妄作蓋亦謙辭然亦可見其無所不知也識記也所從不可不擇記則善惡皆當存之以備參考如此者雖未能實知其理亦可以次於知之者也

參太全子曰天下之事莫不有所以然之理不知其理而作焉皆妄而已世蓋有這等人我自反無是也然之所以得進于知者亦以茲知之有道耳多聞平古擇其事之善者而從之以行多見夫今而舉其善惡之事盡識之以相參考擇焉識焉而不已則其外將自深鑑未及乎知之至然亦知之大也知之既明處之自當而又何妄作之有未有所知者可不由是以求哉

析講朱子曰知以心言得于聞見者次之聞見皆欲求其多否則聞見孤寡不足爲學矣擇字生于從字識則未便有從意故不言擇善○說我無不知而作則似嫌以知自任故又日多聞多見云不過知之次也言雖無不知非知之上者耳多聞以大皆頂我掌是夫子自說故曰謙詞而勉人求知乃

法亦在裏面。作字主，作事說與述作之作不同。我無是也。只借已立說以引起，當求知之意多聞，而下正說已所以求知之方。此節作字輕，知字重，不知而作，則安于用矣而不學矣。故聞見擇識，只就學知上說，而作字只在言外。仁山金氏曰：此章聞見要分明，翁以實事証之，如告顏子以夏時殷略周冕韶舞，及刪詩書之類，此多聞三代之事，所以不可不擇也。若夫子修春秋，則多見當世之事，識則善惡皆當存之者也。瞿昆湖云知之次，次字對生知言亦論，其從入之路耳。蓋不假聞見而自然實知其理，知之上也。此因多聞多見而漸明，則次于自然實知其理者耳。夫子口中未嘗言學知久于生知也。存疑多聞亦可識，多見亦可擇善而從此云然者，互見耳。

### 互鄉章全旨

此章是聖人不爲已甚，此據見在與他無非成就後學之意。

### 互鄉難與言童子見門人惑

見賢遍反

互鄉鄉名其人，習於不善，難與言善，惑者疑夫子不當見之也。

子曰：與其進也，不與其退也。唯何甚？人潔已以進與其潔也，不保其往也。

參序互鄉之人，習于不善，難與言善，其鄉有童子，請見而夫子見之，門人惑以爲不當見也。

疑此章有錯簡，人潔至往也。十四字當在與其進也之前，潔脩治也。與許也往，前自也言，人潔已而來，但許其能，自潔耳。固不能保其前自所爲之善惡也。但許其進而來見耳，非詣其既退而爲不善也。蓋不追其既往，不逆其將來，以是心至斯受之耳。嗚字，上下疑必有闕文，大抵亦不爲已甚之意。○程子曰：聖人待物之洪如此。

合衆不知互鄉之難與言善者，其習之不善也。其不可民者，性之本善也。况童子，則亦未嘗深染于習俗者，門人之惑，是欲追其往，咎其來也。子曉之曰：大凡人一旦慕善，潔已而求進見，則其有悔悟之誠可知。我則與其今日之能，自潔也。不能保其前日所爲之善惡也。其有向善之心可知。我但許其今日之進見也，亦不許其後日之爲不善也。若追既往咎將

來則已甚矣，何必爲此已甚之行哉？而又何疑于互鄉童子也？

析解樂修治也。自其今日之見可知。輔慶源曰：人前日爲不善，而今日向善，未可知。今日向善而後日爲不善，亦未可知。若追其旣往，又逆其將來，則已甚而待人，狹隘矣。一節當寬說，待人遺恕意，而不拒童子，意補在講末。

麟士不保其

仁遠章全旨

此爲放其心者言也。仁遠乎哉？乃喝起之詞，下正則終身體之，而不足論本體。則一念懶之，而有餘欲，字斯字正見來復之机甚捷，而人當求仁于心也。

子曰：仁遠乎哉？我欲仁，斯仁至矣。

仁者心之德，非在外也。放而不求，故有以爲遠者，反而求之，則卽此而在矣。夫豈遠哉？○程子曰：爲仁由己，欲之則至，何違之有？

參序子曰：人之不貴爲仁者皆云遠，而難求也。夫仁果遠乎哉？天下唯求之不得，得之不速者，方可言遠。若仁爲心德，我

但欲不而反求之，斯仁卽應念而至矣。卽此求卽此得遠也乎哉？

析講存疑

仁者心之德，非在外也。是解欲仁，仁至，勿仁遠乎哉？且虛說既曰：「非在外」，又曰：「仁至」，又似在外而至者何也？孔

子曰：操則存，舍則亡。仁雖在內，而當其舍亡，又似失而在外。欲仁，仁至似在外，來耳。我者仁所凝聚之我，仁者我所主

宰之仁，欲卽此仁之覺覺，卽此心之仁，故曰仁至。

麟士云

淺說達說：「仁遠乎哉？」下皆云何以見其不遠也？亦是出得此意，蓋首句雖作波瀾，正深明其不遠，非疑詞也。○此欲字與可欲之謂善，欲字一樣，俱就好邊說，非情欲之欲也。

張南軒曰：「不曰至，而曰仁至者，蓋仁非有方所而可往至之

也。欲仁，仁至我固有之也。○蔡覺軒曰：仁者心之德，纔一收

欵，則此心便在，所以甚言其近，且易不待他求也。饒雙峯曰：

欲仁，仁至其至也。固易其去也，亦易須于既至之後，常加操存之功，方能不違仁耳。三句緊直下，更妙。

陳司章全旨

此章是聖人守君臣之義，不辭過以彰君之非，上節因司敗之問而歸美于君，下節因司敗之訛而

歸過于己。

太全吳氏曰：葉公以誣父之惡爲直，可敗以隱君

之惡爲黨。彼蓋知面之爲公黨之爲私而於父子君臣之義蔑如也。微夫子大道其隱乎。

## 陳司敗問昭公知禮乎。孔子曰知禮。

陳國名司敗官名卽司寇也。昭公魯君名稠習於威儀之節。當時以爲知禮。故司敗以爲問。而孔子答之如此。

參序我魯昭公賀于禮文素有知禮之稱時陳國有司敗者有疑于心。因問以果知禮乎。孔子曰知禮。蓋他國之大夫問吾國之君。又未嘗顯指其事。其對之宜如此。

析講蔡氏曰司敗蓋持其駁吳一事。以爲不知禮。故問以試孔子。子以知禮答之。不過就其習于威儀一節言之耳。胡氏曰左傳註陳楚名司寇爲司敗。附錄左傳五年公如晉。自郊第至于贈賄。無失禮。晉侯謂女叔齊曰魯侯不亦善于禮乎。對曰是儀也。不可謂禮。禮所以守其國。行其政令。無失其民者也。今政令在家。不能取也。有子家躋弗能用也。難將及身。不恤其所。而屑屑焉。習儀以函言善于禮。不亦遠乎。

## 孔子退揖巫馬期而進之。曰吾聞君子不黨君子。

亦黨乎。君取於吳爲同姓。謂之吳孟子。君而知禮孰不知禮。取七

巫馬期字孔子弟子名施。司敗揖而進之也。相助。匿非。曰黨禮。不娶同姓。而魯與吳皆姬姓。謂之吳孟子者。諱之。使若宋女子姓者然。

參序孔子退司敗適遇巫馬期。遂揖而進之。曰吾聞君子直道而行。不爲黨比。由今觀之。君子亦爲黨乎。如鄭與吳皆姬姓。同姓百世不通婚姻。周禮也。今魯君娶吳國之女。爲夫人。是與同姓爲婚矣。乃自悟其非。而諱之。不曰吳孟姬。而謂之吳孟子。要與之女。且宋之姓。其能掩乎。使無君而猶爲知禮也。則人孰不可爲知禮。君不可不知禮。

而夫子以爲知禮。誠哉。是黨矣。析講君子暗指孔子。黨只是匿人之非。方黨護之。黨非黨援之黨。大全馮氏曰古者男子稱氏。辨其族也。女子稱姓。厚其別也。謂之是昭公謂之。上告宗廟下示臣民。謂之。吳則記其寔。謂之。孟子則隱其姓。皆卽爲而自譏之也。輔慶源

# 巫馬期以告子曰丘也幸苟有過人必知之

孔子不可自謂諱君之惡又不可以娶同姓爲知禮故受以爲過而不辭。吳氏曰魯蓋夫子父母之國昭公魯之先君也司敗又未嘗顯言其事而遽以知禮爲問其對之宣如此也及司敗以爲有黨而夫子受以爲過蓋夫子之盛德無所不可也然其受以爲過也亦不正言其所以過

初若不知孟子之事者可以爲萬世之法矣

衆蒙別巫馬期以司敗之言告夫子但自引咎曰人莫不幸于不聞過丘也幸甚矣苟有過失人必知之既知于人則聞于已而可改圖于後直矣豈非幸乎

研講胡氏曰使直指君之非則遂無君臣之禮使不自引已之過則遂無婚姻之禮夫子可謂兩盡其旨者矣

王觀濤曰過字虛泛不可一字染着黨君

## 子與章全旨

此章見聖人樂善無窮之心必使而後緊相呼應一氣講反之和之俱是取善。

胡氏曰此不過歌之善者耳夫子所以取之與之者如此則凡所以與人之善

## 子與人歌而善必使反之而後和之

和去聲

反復也必使復歌者欲得其詳而取其善也而後和之者喜得其詳而與其善也此見聖人氣象從容誠意懇至而其謙遜審密不掩人善又如此蓋一事之微而衆一

善之集有不可勝既者焉讀者宜詳味之

衆蒙引孔子與人同歌而見彼人之歌合于雅頌音律相和而善則且自停其歌而聆人之歌一終了又必使之從頭復歌審其歌意曲盡其妙然後依其聲

音自知而答之其誠子取善如此

析講大全朱子曰聖人天縱多能其于小藝不待取千人而後足乃欲得其詳如其謙遜審密可知也然若不待其曲終而遽和之則几于伐已而能以掩彼之善矣故必俟其曲終以盡見其首尾節奏之妙然後又使復歌而始和之則既不失與人歌之意而又不掩其善也然此亦聖人動容周旋自然而中非有意以爲之也抑又見其從容不迫不輕信而易悅之意

麟士云眼自只有一必字他人或有不使反之

而已和之或使反之而不和之者矣子與人歌一讀而善讀必使反之而後和之一讀必字貴下一面二字不要在必使反之四字煞一斷尚書曰詩言志歌永言歌之爲言長訓之而聲有抑揚高下也故歌之法上如抗下如墜曲如折如稟木倨中矩句中鉤繩繩平端如貫珠歌聲各有所宜寬柔而靜正者宜歌頌廣遠而靜信者宜歌大雅恭儉而好禮者宜歌小雅正直而靜廉而謙者宜歌風歌之善者合于法得其宜而一本于性情之和平也饒雙峯曰與人歌是與之同歌反者使之自歌和則子之自私也陳潛室曰必使反者既欲彰其善之實又欲暢其歌之情而後和者示我樂善之無倦也

文莫章全旨

此章搃是欲人尚猶之

意上句輕下一句重

子曰文莫吾猶人也躬行君子則吾未之有得

莫疑辭猶人言不能過人而尚可以及人未之有得則全未有得皆自謙之辭而足以見言行之難易緩急欲人之勉其

實也謝氏曰文雖聖人無不與人同故不遜能躬行君子

斯可以入聖故不居猶言君子道者三我無能焉  
參淺說子曰言不背道而有次第條理謂之文此凡能言之士類多能之吾干此莫或猶人也若以是道體之于身見之于事而實踐無違謂之躬行的君子則我全未之有得非不行而恒有志未達也夫文爲猶人則亦已矣躬行未得而可不勉進乎

析講莫字作或者一字看。太全陳氏曰文不在茲之文文字重此以文對躬行而言可見文爲言而躬行爲行故集註以言行難易緩急釋之。躬行君子是渾成話謂躬行之君子若說躬行君子之道不是。朱子曰于文言猶入見其不然亦有不必求之意于行言殊得正見其實之難正有汲汲于此以求必得意與君子之道四丘未能焉之意同也慶源曰言行原不可偏廢但有難易緩急之殊耳人字君子字煞有分別以文對人說以行屬君子說便見重行輕言意玩証皆自謙之詞可見猶人二字亦不可涉誇張語未之有得正在策處時說非全未行也曰仁曰義曰忠曰勤出之口筆之書秩然可法可傳文也以此實體于身所謂慥慥之君子也

四書正解 卷之九

三十

若聖章全旨

此夫子不以聖仁自任而以希聖求仁者自居也。爲與誨俱指聖仁之道。公西華末句不重在不能學上。正嘆其不厭不倦爲已盡聖仁之實處。且得夫子不能辭聖仁之名耳。

子曰若聖與仁則吾豈敢抑爲之不厭誨人不倦

則可謂云爾已矣。公西華曰正唯弟子不能學也

此亦夫子之謙辭也。聖者大而化之仁則心德之全而人道之備也。爲之謂爲仁。聖之道誨人亦謂以此教人也。然不厭不倦非已有之則不能所以弟子不能學也。○昇氏曰當時有稱夫子聖且仁者以故夫子辭之苟辭之而已焉則無以進天下之材率天下之善將使聖與仁爲虛器而人終莫能至矣。故夫子雖不居仁聖而必以爲之不厭誨人不倦自處也可。謂云爾已矣者無他之辭也。公西華仰而歎之其亦深知夫子之意矣。

參蒙引當時有稱夫子仁且聖者以故夫子辭之。曰若道德渾化之聖與中心德統全之仁人則吾豈敢當哉。抑以聖仁之

道爲之于已而不厭以聖仁之道誨人而不倦則可謂如此而已。豈敢曰聖與仁之云乎然爲不厭誨不倦非已有此聖仁者不能夫子雖不居其名而愈見有其實。公西華適在側聞夫子此言而有悟焉乃嘆曰正雅此不厭不倦

倦弟子所不能學也。夫子何容辭聖仁之名哉

析講聖仁自然者也爲不厭誨不倦是以勉然者自處然于不厭倦味之則又見其自然矣。夫子之自謙與子華之體諭當如此分別。○朱子曰凡抑字皆畧反上文之意。○存疑爾如如此也已矣無餘說也。謂云爾已矣言只可說如此耳更無他說也。○熊勿軒曰聖則仁之熟而至于化矣。聖非出仁之外也。虛齋曰化者德極其善而又渾無其迹者也。陳新安

此處仁二字乃耑言之仁包義禮智而爲萬善之長故曰心德之全立人之道曰仁與義仁體而義用言仁則義在其中故曰人道之條正是德之盛處。○抑爲之二十句猶言不敢當聖仁之名而但能勉聖仁之事也。聖仁已造其地而名之者也爲誨所以求至于聖仁者也不能學指不厭倦說蓋爲誨猶所能也非全體聖仁而造到至誠無息善與人同地位者安能不厭不倦。公西華蓋既不厭不倦而見得夫子已全聖仁

之實也弟子泛說

子疾章全旨

禱可也，請禱不可也。子路自禱，則是愛師之情。請于夫子，則禱出于夫子而夫子有求福免禍之心。了全在此斷案。

子疾病，子路請禱。子曰：「有諸？」子路對曰：「有之。」

禱爾。子上下神祇。子曰：「丘之禱久矣。」

誅力

禱謂禱於鬼神有諸。問有此理否？誅者哀死而述其行之詞也。上天下謂天地。天曰神，地曰祇。禱者悔過遷善以祈神之佑也。無其理則不必禱。既曰有之，則聖人未嘗有過無善，可遷其素行而已。合於神明，故曰丘之禱久矣。又士喪禮疾病行禱五祀，蓋臣子迫切之至情，有不能自己者。初不請於病者，而後禱也。故孔子之於子路，不直拒之，而但告以無所事禱之意。

參大全文子，子疾病，子路請于夫子而欲行禱。問子之曰：「有諸？」蓋欲子之路深省其禱之理也。子路未達，對曰：「有之。」古誅文云：「禱三爾，于上之天，神下之地。」是可証其有也。子曰：「果，則有之。」是

則禱者持悔罪之心，以祈神之佑者也。丘之平昔敬畏神明，惟恐得罪于天地，禱已久矣，豈待今日有疾時哉？

析講大全文子曰：「士有誅累，半時德行以賜之命，則誅禱亦誅其功德。故謂之誅。」誅云朱子曰：「只是引此古語，以明有禱之理。非謂欲禱皇天后土也。禱雖臣子之禮，其辭則述君父悔過遷善之意，以解謝鬼神之譴怒。」

蒙引行禱五祀謂行禱禮，千五祀也。無其理則不必禱。此註當用在丘言之禱上。

奢則章全旨

此章防趨奢之害，以維世也。奢儉不是。

奢則章全旨

平較只借儉形，奢深明不孫之害耳。

孫去聲

子曰：「奢則不孫，儉則固。與其不孫也，寧固。」

孫順也，固陋也。奢儉俱失，中而奢之害大也。

○晁氏曰：「不得已而救時之弊也。」

參大全文子曰：「先生制禮以得中爲貴。奢失之過儉，失之不及。皆非中道。蓋奢縱的人，便有驕傲底意思；即禮所不當爲者，亦欲爲之。則必至于過度僭上而不孫。若儉啬的人，便有率畧苟且底意思；即禮所當爲者，亦惜費而不爲。則必主朴陋，無文而固然以二者較之，與其不孫也，寧固。蓋因人是已分。」

有味足其害猶小不孫則溢于禮法之外而爲世道人心之憂其害大矣人可不以奢爲戒哉析講奢儉主世風言不耑主禮體首二句舉禮失中之害下是較奢之害尤大欲人以奢爲戒也與其字寧字是欲救世弊而爲是不得已之詞非取固也甚言不孫之不可也纔奢便是不孫不必說奢之流弊下句亦然存疑管仲鏤簋未絃山節藻棁是僭也晏平仲祀其先人豚肩不掩豆澣衣濯冠以朝是固也

### 君子章全旨

此摹寫兩人心境而境遇自在其中○君子之心無二物坐碍逆境亦自洒落小人之心多私欲牽

拘順境亦常拂鬱夫子分別言之欲人存理而遏欲也

### 子曰君子坦蕩蕩小人長戚戚

坦平也蕩蕩寬廣貌程子曰君子循理故常舒泰小人役於物故多憂戚○程子曰君子坦蕩蕩心廣體胖參通義子曰以君子言之循平理故其心不累于利害得失之私但見其坦然而蕩蕩也以小人言之多役于物故其心常存患得患失之念但見無時而不戚戚也心境相去何遠也

### 子溫章全旨

此章見聖人容色隨時不同而不本于中和○聖人有中和自然之德性所以有中和自然之

德容

子溫而厲威而不猛恭而安

厲嚴肅也人之德性本無不備而氣質所賦鮮有不偏惟聖人全體渾然陰陽合德故其中和之氣見於容貌之間者如此門人熟察而詳記之亦可見其用心之密矣抑非知足以知聖人而善言德行者不能記入程子以爲曾子之言學者所宜反復而玩心也

參蒙引夫子之德全體中和故其見于容貌之間者時乎溫也可親之中有嚴肅不可犯者存溫而厲時乎威也可畏之中有寬裕不暴烈者存威而不猛時乎恭也莊敬之中有自

然無勉強拘迫者存，安蓋無往不得其中和。如此析講大全問，此章是總言聖人容貌鄉黨是遂事上說否。朱子曰：然此章就大體上看○溫威恭三字是主厲不猛安在溫威恭之內溫之恰好處便是厲而厲正見溫之妙也。非兩樣相濟之說下二句亦然○下截四字俱從上截三字中看，出然恰重厲不猛安上方見其中和也。不可析開看溫以色言威與恭皆以身言詫全體句是說德性之脩陰陽句是說德性之不偏陳新安日常人偏于溫則不厲偏于威則易猛勉于恭則不安夫子惟不偏而中是以不戾而和也。

## 泰伯第八

凡二十

子曰：泰伯其可謂至德也已矣。三以天下讓民無得而稱焉。

泰伯章全旨

此因周有天下而追論之詞只可謂至德一句已贊盡泰伯下二句正見泰伯至德三讓作固讓。

泰伯周太王之長子至德謂德之至極無以復加者也三讓

謂固遜也無得而稱其遜隱微無迹可見也。蓋太王三子長泰伯次仲雍次季歷大王之時商道寢衰而周日彊大季歷又生子昌有聖德大主因有翦商之志而泰伯不從太王遂欲傳位季歷以及昌泰伯知之卽與仲雍逃之荆蠻於是太王乃立季歷傳國至昌而三分天下有其一是爲文主文王崩子發立遂克商而有天下是爲武王夫以泰伯之德當商周之際固足以朝諸侯有天下矣乃棄不取而又泯其迹焉則其德之至極爲何如哉蓋其心卽夷齊叔馬之心而事之難處有甚焉者宜夫子之歎息而贊美之也。泰伯不從事見春秋傳。

合參子曰吾嘗觀我周泰伯爲人所不能爲真可謂德之至極而無加也已矣何以見其爲至德也。蓋周家王業始于本王而伯良當立則後來天下乃伯之子孫所宜有者也。泰伯逃去大王遂得傳季及武而有天下是當時讓國自今推論之其實是固以天下讓也然又托爲採藥自恨其迹更涉三世事幾漫滅至今民皆無得窺其心而稱之焉夫讓美德也至于三則其讓誠矣以天下則其讓大矣而又無得稱則其讓非有名之累矣此其德所以至極而無以加也歟。

析講洪氏曰仲雍之讓也何以獨稱泰伯泰伯當立者也○問三讓日古人思必再三想此只是固讓○文王至德就全君臣之義上見得泰伯至德就全父子兄弟之情上見得以天下讓主讓周說爲是朱子亦曰蓋遜天下于王季及文王至武王而終有天下註兼讓商說者王文憲謂此章用古託修入未及改也○太主欲立賢子聖孫爲其道足以濟天下國祚由之綿遠原非有愛憎覬覦之私泰伯欲成父之志又見季歷既仁木王又聖知天之意方大啟周室必有天下就後日看來却是讓天下所謂固讓于其偕仲雍逃之荆蠻斷髮文身處見之蓋不示以不可復立則太主有奪嫡之嫌王季以天倫爲重而太主王季之心不安不借仲雍同去則中子尚在其位終于未定亦無以遂父志而成王季之業故有托而逃且借弟同去使太主安心得傳位季歷而季亦受之不爲愧正所以全父子兄弟之情也然其用意深遠未易測識當時之人不得而稱之後世之人亦不得而稱之天子所以表章之耳若云以天下讓商則泰伯不逃而如文王以

服事殷亦無不可况昌有聖德足以得天下伯既知之伯去而傳季及昌之位遂定適所以成太主翦商之志也又何讓焉○實始翦商魯頌侈大之詞也今人家小小貴顯亦必推崇尊祖宗之積德况化國爲天下乎時講泥讓商一解不過爲此句所惑耳金氏曰按詩大王實始翦商只是謂周家翦商之業自大主始基之耳且大主遷岐在小乙之世高宗承之而殷道中興者六十年歷祖庚祖甲二十八祀而生文王其時商亦衰也太主安得有翦商之志哉况太王前日猶能遷國于狄人侵幽之時而今日乃欲取天下于商家昧亂之日太主之心决不若此其悖也此說最確可以闡倒讓商子說矣

子曰恭而無禮則勞慎而無禮則葸勇而無禮則亂直而無禮則絃

蕙絲車反  
絃古卯反

憲畏懼貌絶急切也無禮則無節文故有四者之弊  
恭太全子曰人之所行必有禮以爲之節文而始無過中之  
弊若致敬于人謂之恭敬而無禮則病于夏畦者有之是謂  
勞致謹于事謂之慎慎而無禮則犯于上作亂者有之是謂憲  
果敢有爲謂之勇勇而無禮則犯于首畏尾者有之是謂憲  
言無隱謂之直直而無禮則犯于父撫羊者有之是謂綏蓋禮  
是中正的準則無準則便失之過故有弊人可無以成其德乎

析講饒氏曰勞憲亂綏只就無禮處說不是無禮了方勞憲  
亂綏朱子曰禮只是理合當恁的便恁一的若合當恭而後恭則不勞下做此

## 君子篤於親則民興於仁故舊不遺則民不偷

君子章全旨

此示爲人上者當以身教爲先也民性仁厚特在  
王張世道之君子有以風之兩則字極緊机括全

在上一撥便轉從吳氏作曾子之言爲是

先後則恭不勞慎不憲勇不亂直不綏民化而德厚矣

吳氏曰君子以下當自爲子章乃曾子之言也愚按此一節  
與上文不相蒙而與首篇慎終追遠之意相類吳說近是  
參蒙引在上之君子民所視做者也若能厚于其親如父母  
及諸父昆弟之屬處之各盡其道則于其親篤矣夫親親仁  
也上仁則民亦興于仁而各親其親矣若能于故舊盡忠厚  
之道以處之而不忘其平生之好則爲厚之道上厚則民化  
之亦不偷而各厚于故舊矣爲上者可不端化民之本哉  
析講親如近而一本遠而九族皆是篤則盡其愛敬之道而  
祔位與共好惡與同無忘二體之誼也故舊如舊臣舊友或  
有德于我者皆是不遺如信用老成尊禮者舊而始終休戚  
之際無忘共事之情也胡氏曰君子不弛其親故舊無失故  
則不弃周公之言與此同一忠厚之道

曾子章全旨

有疾是繼死時啟予二句示以身之能保詩云至  
免夫推原所以保身小字呼望門人亦保身也

主孝說

## 曾子有疾召門弟子曰啟予足啟予手詩云戰戰

兢兢如臨深淵如履薄冰而今而後吾知免夫小

子扶夫音一

啟開也曾子平日以爲身體受於父母不敢毀傷故於此使弟子開其衾而視之詩小旻之篇戰戰恐懼兢兢戒謹臨深恐墜履冰恐陷也曾子以其所保之全示門人而言其所以保之之難如此至於將死而後知其得免於毀傷也小子門人也語畢而又呼之以致反復丁寧之意其警之也深矣○程子曰君子曰終小人曰死君子保其身以沒爲終其事也故曾子以全歸爲免矣尹氏曰父母全而生之子全而歸之曾子臨終而啟手足爲是故也非有得於道能如是乎范氏曰身體猶不可蔽也況虧其行以辱其親乎

參淺說曾子平日保身于有疾將終之時召門弟子而謂之曰啟衾以視予之足啟衾以視予之手曾有毀傷而不全焉者乎然吾之體之所以如此其全者以下吾心無所不用其謹而有以保之也詩云戰戰兢兢如临深淵而恐墜如履薄冰而恐陷吾之平日自保其身者盖如此其亦可謂難矣然使

曾子章全旨

此章見居尊者貴誠太體意首二節因敬子問疾

孟敬子晉大夫仲孫氏名捷問之者問其疾也  
蒙引曾子有疾孟敬子知其所言之善而識切也

析講邢疏仲孫捷武伯之子也抑未而端修治之源也

曾子有疾孟敬子問之

善曾子言曰鳥之將死其鳴也哀人之將死其言也

言自言也鳥畏死故鳴哀人窮反本故言善此

曾子之謙辭欲敬子知其所言之善而識切也

蒙引曾子將以告之恐其忽之而不之識先自言以警之日

鳥之將死，則畏死之心勝其鳴也。哀人之將死，則本性之真見，其言也善。而今我將死之言，善言也。子其識之。

析講 太全輔氏曰：人性本善，其惡者沒于氣動于欲而陷溺也。至斯處，氣消欲息，故反本而言，善此凡人也。曾子平日所言，何嘗不善？自謙云爾。

君子所貴乎道者三，動容貌斯遠，暴慢矣；王顏色存，老遠近並去聲斯近信矣。出辭氣，斯遠鄙倍矣。邊豆之事，則有司

存

老遠近並去聲

貴猶重也。容貌舉一身而言，暴粗厲也。慢放肆也。信實也。正顏色而近信，則非色莊也。辭言語氣聲氣也。鄙凡陋也。倍與肯同謂首理也。邊竹器豆木豆言道雖無所不在，然君子所重者在此三事而已。是皆脩身之要爲政之本學者所當操存省察，而不可有造次顛沛之違者也。若夫邊豆之事，器數之末道，固無不該然其分則有司之守，而非君子之所重矣。○程子曰：動容貌，舉一身而言也。周旋中禮，暴慢斯

遠矣。正顏色，則不妄。斯近信矣。出辭氣，正由中出，斯遠鄙倍矣。正身而不外求，故曰邊豆之事，則有司存。尹氏曰：養於中，則見於外。曾子蓋以偪已爲爲政之本，若乃器用事物之細，則有司存焉。

合參想敬字平日是偶留心細務而不知太本底人故告之。日道雖無所不自然。君子告上臨下之際，所貴重乎道者，則有三事。三者何？容貌者，民之所觀瞻也。君子不動容貌，則已。一名勤容貌，便要從容恭謹，遠了暴慢之氣，而使容貌皆得其道。顏色者，民之所仰望也。君子不正顏色，則已。二名正顏色，便要根心生色，近信而無色莊之僞，而使顏色皆得其道。辭氣者，民之所承聽也。君子不出辭氣，則已。三名出辭氣，便要成章，遠了鄙俗之失，而使辭氣皆得其道。是皆脩身之要爲政之本所當操存省察，而不可或違者也。若夫邊豆之事，器數之末，雖亦道所該，然其分則有司之守，而非君子所重矣。此吾言之善也。予大夫其毋忘斯言乎？

析講此君子對有司而言，大槩指敬字一章人說，不必耑以德言。○太全朱子曰：容貌三者，是百家累要合做的邊豆，是化有司管底。今人于制度文爲一一致察，未爲不是。然于已力

身都不煖，管于大體，上欠缺，則是去本而求末者也。陳氏

曰：所謂操存，則在上；三包，所謂省察，則在下；三句。

朱士云

是言君子貴緊對，則有司則字。

按陳氏及語類說則蒙引

講究三斯，字太現成，工夫全在目前，却在三言之外，起意了，必將三斯字着力，讀如云便要如此，如此正是工夫，正是貴字，精神方得緊切，戒勉敬子意。邢疏云：豆盛菹醢，盞盛棗栗，以供祭祀燕享，故云禮器也。道乃居上，臨下之道，所貴乎道，是指道之所以可貴者說。翟昆湖云：貴猶重也。日重則諱，而存養動而省察，意已在矣。動正出，字無工夫，工夫在斯，遠斯近，上正卽整頓的意思。若將斯遠斯近，作效驗說，以爲手足容，恭足容，重皆是顏色，顏之色也。君子衰絰，則有哀色，端冕，則有敬色，甲冑，則有不可辱之色，人之出言，必以氣宣之，故曰：辭氣粗厲，固是暴稍不溫，恭亦是暴倨肆，固是慢稍怠緩，亦是慢。顏色有不能表裏如一的如色厲內荏，是也。近信如外，上面如是，內面亦如是，如溫焉而非假，此以近岸儼焉，而

非假此以鎮物也。遠鄙倍者，如言近指遠而不凡，論高理存而不悖謬也。以此比之于已，則爲脩身之要，以此加之于民，則爲爲政之本。故君主貴之。邊豆之事，該得廣器物，皆包在內，則有司存言，非君子之所貴也。如樂記曰：鋪筵席，陳樽俎，列籩豆，以升降爲禮者，禮之末節也。故有司掌之，又如周禮有邊人皆有司也。

以能章全旨

胡氏

曰：望賢無我之心，常如太虛然能容天下之

理，而不見己之有餘能容天下之人，而不見人之不足，

曾子曰：以能問於不能，以多問於寡，有若無，實若虛，犯而不校。昔者吾友嘗從事於斯矣。

校計校也。友馬氏以爲顏淵是也。顏子之心，唯知義理之無窮，不見物我之有間，故能如此。○謝氏曰：不知有餘在己，不足以在人，不必得爲在己，失爲在人，非幾於無我者不能也。合參曾子致思無我之學也。曰：義理本自無窮，而自足者恒隘之，人已本無間隔，而量狹者恒較之，凡以有我之珠忘也。

乃若義理已知可謂能矣。顧以已之能而問于人之不能義理所知已傳可謂多矣。乃以已之多而問于人之寡。吾想其問不能之心益忘乎已之能者也。本有也而常自視。若無想其問于寡之心益忘乎已之多者也。本實也而常自視。若虛其深知義理無窮如此。至于我無可犯而人有干犯之者。他分量極大。自不覺得直在已曲在彼而不暇與之計較。又不見物我有間如此。此何人哉。昔者

語友常從事于斯矣。而今安在哉。

析講從事于斯猶服行之意是舉其已成言之。若認作用力說却是知自己能自己多須要去問。不几乎詐乎。曾子是見得顏淵如是。非謂其着力也。○沈括野日能即有也多即實也有若二句卽看上二句點他虛心出來蒙引存疑淺說俱

如。此分貼以能問不能是其有若無也。以多問寡是其實。若虛也。樂于取人。正是他歎于視己處。○以能四句是唯知義理之無窮心之虛也。以知言犯而不較是不見物我之有間心之公也。以行言未二句實指顏子說。顏子平日不伐善故虛不遷怒。故不較日。昔者以見今也。則無之意。顏子之問。机不知已。是能彼是不能。益深知義理之無窮。惟恐不善之不

盡。故自樂于問耳。犯者我無所失而彼加之也。犯而不較者非會忍。非氣弱。非慮患。只是心胸濶大。自不覺他犯也。須知能不能多與寡。亦是他人見他如此。顏子不自知也不較。亦然。○朱子曰。顏子自視常覺不足。不比常人。十事曉得九事。那一事便不肯問人。饒雙峯曰。纔較則直在已。

曲在人而物我相形矣。便非包含御覆之心。

此曾子以全德望天下。重才節。上節者才之所恃。以立才者節之所賴。以成君子者才德出衆之名。

三句並重

曾子曰。可以託六尺之孤。可以寄百里之命。驗太節而不可棄也。君子人與君子人也。

與平

其才可以輔幼君攝國政。其節至於死生之際而不可棄。可謂君子矣。興疑辭也。決辭設爲問答。所以深著其必然也。○程子曰。節操如是可謂君子矣。

參蒙引曾子曰。有人于此。不但可輔長君而已。雖託六尺之孤。爲幼君之輔。而可以無負所託。不但西共國政而已。雖託

以百里之命一國之政皆出其手而可以無負所寄焉其才之過人如此當此託寄之時或變起倉卒國勢險危此正太節底所在以彼臨之却見得極真守得極定而所以輔幼君攝國政始終如一不可以死生利害奪之是其節之有守如此恁樣人可謂之君子人與看來才節兼全如此信乎其養之有素而爲君子人也學者可不勉爲君子乎

析講託孤寄命分爲兩事看兩可以字可見託孤必寄命如周公之于成王是也亦有寄命而非託孤者如高宗在諒陰故事聽于冢宰又如季任爲在處守是也陳新安曰周禮疏云六尺年十五故知爲幼君亟予曰公侯皆方百里故知爲國政也○臨大節大節字以事變言不就君子身上謫不可奪承上文二可以字說來○朱子曰三句都是一般說須是才節兼全方可謂之君子若受人託孤之責百家雖無欺之心却被人竊了徒能臨大節而不可奪却不能不得寄托之事雖死也濟不得甚事如荀息死于奚齊是也然有才無節則大者不足稱矣如霍光奪于妻顯是也○國有長君而爲之方輔未見其難託孤方難固之政事君相共之未見其難哉命

左難平時托孤寄命猶未見其難至臨大節而不失其寄托之重方見其難末二句總承上三句來言才節兼全如此則是有才而德之用以顯有節而德之守以彰信乎其爲君子也上句輕不過抑揚以起下句耳莫認作上句是疑詞○可以託孤如定君位成君德是也可以寄命如安社稷服人民是也此勢之難爲而其才之足以直爲者如此不可奪不專在死難上說益有死者有生者此只言節操之堅謂臨事變之一來國勢搶攘人心搖動死生利害大關係之所係而所以寄托者阜平其埋明而不可惑確乎其志立而不可搖領是非不顧死生利不苟就害不苟去務有以全吾言而成吾志弘毅之故而次節則著重遠之實也

### 士不章全旨

曾子曰士不可以不弘毅任重而道遠

此章是以體仁之學責之士弘毅所以體此仁者字雖通章眼目而士字尤重惟其爲士所以當體仁所以要弘毅任重句申明不可不弘毅之故而次節則著重遠之實也

弘寬廣也。毅強忍也。非弘不能勝其重。非毅無以致其遠。參序曾子曰。凡人而儼然爲士。則其所養可苟焉已哉。其心體不可以不弘。而有寬廣之量。不可以不毅。而有強忍之力。是何也。蓋士之所負之任甚重。而所爲任以行底。道路又甚遠也。非弘則容受不多。承载不濶。如何勝重。非毅則執事不堅。負荷不久。如何能致遠。此士之所以不可不弘毅也。

析講大全蔡氏曰。仁道至大。非全體不息者。不足以當之。惟其全體也。則無一理之不該。所以不可不弘。惟其不息也。則無一念之間斷。所以不可不毅。○存疑任是死字。猶云擔子也。已任任字亦然。○道猶云所行之路也。○陳新安日弘言。其量之容。猶太車之足以載重毅。言其力之致。猶健馬之足以致遠。不以半塗而自廢也。○語類云。不弘便淺窄。便安于卑陋。不毅便倒東墜西。不能行。不能守。如何能勝其重。而致其遠乎。

## 仁以爲已任。不亦重乎。死而後已。不亦遠乎。

仁者。人心之全德。而必欲以身體而力以行之。可謂重矣。一息

尚有此志。不容解。可謂遠矣。○程子曰。弘而不毅。則無規矩。而難立毅。而不弘。則曠闊而無以居之。又曰。弘大剛毅。然後能勝重。任而遠到。

合參士之任果。何如任乎。蓋仁包四者。無物不體。士以此爲已之任。必欲身體而力行之。則是舉天下之善萬物之理。皆在于我之一身矣。不亦重乎。非寬弘容受。何以勝其任也。其所任。果何道乎。其任是仁也。與生俱生。無有間斷。至于死而後已。此身一息在此。志不容懈。則是向前策勵。無可贍足之時矣。不亦遠乎。非強忍堅決。何以致其遠也。士真不可不弘毅也。

析講蒙引看集註。必字不容字。後四句全說在重道遠。未靠在士者用功處。若說得欠斟酌。便是弘毅非其解矣。○此四何解。而兼嘆之詞。○仁以爲已任。只是說任重死而後已。只是說道。遠不是做工夫。做工夫處。却在弘毅二字上。此節只將仁字看透。則重遠意便出。蓋仁者大而三綱五常。小而百行萬善。無一不統。于是道理何等濶大。以之爲任。則是負荷盡天下之理。豈不是重。臣仁與吾身相終始。一息離之。便不行。是仁孰是可棄。足之時。豈不是是。○蔡襄書。日曾子平日三省。

一貫致力于格致誠正脩齊治平不使有二理之或違非弘而何，啟手啟足猶戰兢而已，易簣之際得正而斃非殺而何，此所以能任傳道之責也。

### 興於章全旨

此章示人心學之資，句句要根心上說，以興立成爲主，興立成俱是心學不全，靠詩禮樂但資于詩禮樂耳，蓋有得于心則詩禮樂皆爲我助，故得其溫厚者便興，得其嚴敬者便立，得其優游者便成，不然則三者皆爲粗迹矣。

### 子曰興於詩

興起也，詩本性情，有邪有正，其爲言既易知，而吟詠之間，抑揚反復，其感入又易入，故學者之初，所以興起其好善惡惡之心，而不能自己者，必於此而得之。參大全子曰：古人爲學，詩禮樂皆其大備者，然其得效則有次第爲學之始，善心興起，是于詩上得力，蓋詩有美刺風諭之旨，從容涵泳，易以入人性情而感動其仁義之良也。此可見詩之道學矣。

析講存疑詩最能感動人，今世俗歌曲，聽之尚能使人興起。

### 立於禮

禮以恭敬辭遜爲本，而有節文度數之詳，可以固人肌膚之會筋骸之束，故學者之中，所以能卓然自立而不爲事物之所搖奪者，必於此而得之。

參朱子善念既興，又貴卓然有以自立，然爲學之中，所以能撫守得定，是于禮上得力，蓋禮有節文度數之詳，足以範人之日用動靜，內足以禁人之非心逸志，常以服習則筋骸德性皆以正固，而不亂也。此可見禮之當學矣。

### 成於樂

樂有五聲十二律，更唱迭和，以爲歌舞，八音之節，可以養人之性情，而蕩涤其邪穢，消融其渣滓，故學者之終，所以至於

義精仁熟而自和順於道德者必於此而得之是學之成也。○按內則十歲學幼儀十三學樂謡詩二十而後學禮則此三者非小學傳授之次乃大學終身所得之難易先後淺深也程子曰天下之英才不爲少矣特以道學不明故不得有所成就夫古人之詩如今之歌曲雖間里童稚皆習聞之而知其說故能興起今雖老師宿儒尙不能曉其義況學者乎是不得與於詩也古人自洒掃應對以至冠昏喪祭莫不有禮今皆廢壞是以人倫不明治家無法是不得立於禮也古

參朱子既全能自立又必造到那純粹至善地位方爲有成然

學者之終所以能德性純熟而進于大成是于樂上得力蓋樂有聲音之高下舞蹈之疾徐所以養其耳目和其心志能使中人安于仁義禮智之實以成其德也此可見樂之賞學矣

析講此三句上十字以成功而言也非如志于道四句上一

字以用功而言也。身處規矩故曰立此禮之文也心和樂

有所自得故曰成此樂之本也。○輔氏曰詩易于禮禮易于

於樂也是以古之成材也易今之成材也難

樂與者淺立者深成則又其深也故曰先後之序如此。古  
人學時本一齊去學了到成就得力處却有先後然成于樂  
又見無所用其力。○蒙引與于詩見詩之當學也立于禮見  
禮之當學也成于樂見樂之當學也。○胡雲峯曰與于詩知  
之事成于樂則知之精故曰義精立于禮行之事成于樂則  
行之熟故曰仁熟。○可見成字該得興立意在內益成則興  
與立俱忘而渾化無迹矣。○齊氏曰十三學樂謡詩則已通于  
樂章學舞則已通于樂節至成于樂則淪肌浹髓而莫能名  
手舞足蹈而不可已要知學者自始學以至成德其工夫各  
自有在而詩禮樂之助居多也初中終三字不可忽。瞿昆湖  
云人必有所触而後能興有所制而後能立有所養而後能  
成方興時此理猶未爲已有也至立時方爲實得而守之固  
然立猶勉強未熟至純熟則無所事守矣三句總以心字貫  
而善惡字亦不可遺典者興起其好善惡惡之心而不能已  
也興必于詩者誦其詞之所美而好善之心興誦其詞之所  
制而惡惡之心興也立者事實有惡實無卓然有定見有定  
力也立必于禮者循其中正之矩而爲善益固嚴其非僻之  
防而去惡益堅也成者繼惠不留而善與吾心相渾化也盛

于樂者，蓋心和形和氣和則私欲邪穢無

自而入而道理未熟者皆消融而無迹也

### 民可章全旨

此章王上之化民言見爲治當順乎民也。上使字不可詆中以不能字代不可字最明白。蓋不可使非謂民皆無知但上不得而强使之知亦非不欲使之知但勢有所不能也。語意與梓匠輪輿不能使人巧正同。

### 子曰民可使由之不可使知之

民可使之由於是理之當然而不能使之知其所以然也。○程子曰聖人設教非不欲入家喻而戶曉也然不能使之知但能使之由之爾若且聖人不使民知則

是後世朝內暮三之術也豈聖人之心乎

參蒙引子曰以斯道覺斯民者聖人之本心也然不能使人皆覺者則非聖人之本心也勢也故就民之材質而論但可使之由于是理之當然而不能使之知其理之所以然蓋所當然者如父當慈子當孝之類皆人生日用之事固衆人所能行者故能使之由若夫父子之所以孝慈則皆出于天

命之自然與人性之固有者非中人以上者未足以盡此故不能強使之知然則教民者亦以其可由者與之弗以不可知強之則得矣

折講太全饒氏曰兩之字皆指此理而言由以身之踐履言知以心之解悟言所由雖是他本自有底却是聖人使之由如道以德齊以禮教以人倫皆是使之由不可使知不是愚黔首是不可得而使之知之無緣逐箇與他解說

### 好勇章全旨

此夫子杜亂之萌意兩平看各一直說下二亂字自疾貧上生下亂字在已甚上看上是自己生亂

下是自我致亂總是欲人知生亂之由而思所以惡之也合參子曰無勇之人雖疾貧不能爲亂安貧之人雖好勇亦不肯爲亂惟好勇疾貧有果子作亂之資而又不安窮約之分則必以其氣血之強而濟其貪得之念雖停滯有所不顧矣豈不至于爲亂乎其亂在我至于不仁之人本心已失

### 子曰好勇疾貧亂也人而不仁疾之已甚亂也

好去聲好勇而不安分則必作亂惡不仁之人而使之無所容則必致亂二者之心善惡雖殊然其生亂則一也合參子曰無勇之人雖疾貧不能爲亂安貧之人雖好勇亦不肯爲亂惟好勇疾貧有果子作亂之資而又不安窮約之分則必以其氣血之強而濟其貪得之念雖停滯有所不顧矣豈不至于爲亂乎其亂在我至于不仁之人本心已失

若其惡未著，徐以化之可也。若其罪當誅，決以誅之可也。不然而徒惡之，過當使其人無所容。事窮，勢迫，彼將下舉其不仁之心，以報怨而求免。未有不激而生亂者。此其亂在人而致亂亦在我也。人可不思所以弭亂乎。

析講朱公達曰：惡不仁之人，本得奸惡之正。然惡之已甚，則是惡之無節而流乎不正矣。又况不能去之而疾之已甚，則致亂之由也。

如有章全旨

此章戒人不驕之意

子曰：如有周公之才之美，使驕且吝，其餘不足觀也已。

才美，謂皆能技藝之美，驕矜夸吝，鄙嗇也。程子曰：此甚言驕吝之不可也。蓋有周公之德，則自無驕吝。若但有周公之才，而驕吝焉，亦不足觀矣。又曰：驕氣盈，吝氣歉，愚謂驕吝雖有盈歉之殊，然其勢常相因，益驕者吝之枝葉，吝者驕之本根。故嘗驗之天下之人，未有驕而不吝，吝而不驕者也。

參大全文子曰：人非才之爲貴，而不恃其才之爲貴。古聖人才之藝之美，莫如周公。有才于此，卽如周公之才之美，而使其多驕焉，蓋人所無。且吝，焉挾己所長，則涵養踈而學問淺，其餘才藝之美，不足以觀也已。驕吝可有乎哉？

析講胡氏曰：如字使字皆假設之詞。朱子曰：聖人只是平說，有周公之才之美，而驕吝連他才之美壞了。况無周公之才之美，而驕吝者乎？甚言驕吝之不可也。其餘，指才而言。古人制禮作樂之才，無過周公。觀其自言，多才多藝，可見然。周公有殯膚之遜，而未嘗驕；有勤施之德，而未嘗吝。所以稱得才之美，驕者以己之能，而誇人之不能也。吝者，但欲己能，而不得人之皆能也。真西山曰：驕且吝，所謂器小也。

易，盈也。惟其小，而吝，是以易盈而驕。

三牛章全旨

此章見人貴心，純于學。三年只言其人，非限定三年，也不至就心上說，不易得。甚言其心之難見，必有定見，而後能辨之。如此明有定守，而後能持之。如此人也，非襲詞，亦非贊詞。

子曰：三年學不至於穀，不易得也。

易，去一聲。

穀祿也。至疑當作志爲學之久而不求祿。如此之人不易得也。

○楊氏曰。雖子張之賢。猶以于祿爲問。况其下者乎。然則

三年學而不至於穀。宜不易得也。

參序子曰。學以明道。學成而祿自至。原非以于祿也。然世固有爲祿而後學者。亦有始學而利祿之念即生者。有入于此三十年之久。從事于學。而其志不在于祿。此真爲「已不爲人謀道」。不謀食者。蓋不爾易得已。也。甚矣。純心于學者之難也。

篤信章全旨

又根于好學。自知言曰。學自行。言曰。道惟好學。故

善道。惟好學。善道。故去就出處之咸宜。而無可耻。細分之首

節。勉人當有學。有守。次節。言有學。守之失

學。守之善。末節。言無學。守之失

## 子曰。篤信好學。守死。善道。好。去。

篤厚而力也。不篤信。則不能好學。然篤信而不好學。則所信或非其正。不守死。則不能以善其道。然守死而不足以善其道。則亦徒死而已。蓋守死者。篤信之效。善道者。好學之功。

參大全子曰。人之處世。必學問。操守。兼造其極。方爲盡善。改

學。貴于信。不篤信。則志意不端。而不能好學。然徒篤信而不六年能好學。以明理。則有不篤信。而信愈篤。信而愈不得其正者。故篤信。又須格物致知。以近乎學。焉道貞于守。不守死。則節操不堅。而不能以善其道。然徒守死。而不足以善其所守之道。則爲無用之守。雖守死。而終不合其宜。故守死。又須準經合義。以善其道焉。有學有守。則知之明。而行之正矣。

折講鄭氏曰。許行陳相非不篤信。曰。好學。則未也。召忽荀息

非不守死。曰。善道。則非也。○王觀濤曰。首節註。太極擾白文

口氣。若君子當篤信。而好學。當守死。而善道。篤信守死。較輕。引起好學。善道耳。篤信守死。懸空說。篤信只說心有定見。未必所信合理。至好學。則有所講明。而所信合理矣。守死。只說心有定。守未必所守。未必所守。只言所守者堅也。善道是善其所守之道。不是盡善之道。○蔡氏曰。篤信好學者。學之事。守死。○善道者。守之事故。學守二字。可以該之。此是守之本領。下文出處去就。皆在此四者外。○篤信者。自見其是。信之牢。固而不可改易。也好學者。格物窮理。務審其是非之眞。而不惑于疑似也。守死者。自執其是。而以死守之。雖懼之。以利害祿福。

# 危邦不入亂邦不居天下有道則見無道則隱

而終不能奪也。善道者事必合理行必合義而所守皆當也。  
見賢遍反外則不入可也。亂邦未危而刑政紀綱紊矣故潔其身而去之。天下舉世而言無道則隱其身而不見也。此惟篤信好學守死善道者能之。

參大全若果能有學守之君子則其去就出處焉往而不宜哉故遇危而避之國若未仕在外則早見預待避而不入遇亂而無綱紀之邦卽已仕在內亦見幾明哲去而不居非徒以違害也去就之審也天下有道將有太平之兆不可不出爲用則見可而進不敢獨善其身天下無道將有大亂之機知其後來必不可支持則隱身而退不敢自棄其道非徒以趨時也出處之正也。

析講饒氏曰危亂不入不居尚有可入可居之邦若天下無道則無適而可惟有隱而已。○朱子曰有道不必待十分大平然後出無道亦不必得十分大亂然後隱有道如天曉未甚明然如此只向明去不可不出爲之用無道如天曉

夜雖未甚暗然自此只向暗去知其後來必不可支持須見而作也。不入不居則隱非但有守亦是有學而見得透也有道則見非但有學亦是有守而果于行也無道而富貴也是無守而所學亦可知有道而貧賤是無學而所守亦可知故學守不須分貼。

# 邦有道貧且賤焉恥也邦無道富且貴焉恥也

世治而無可行之道世亂而無能守之節碌碌庸人不足以爲生矣可恥之甚也。展氏曰有學有守而去就之義潔出處之分明然後爲君子之全德也。

合參若夫不能有學守之庸人邦有道當見也不免見邦于明時而貧且賤焉必其無可見之經綸也恥也邦無道貧賤也頃乃苟祿于亂世而富且貴焉必其無自重之之慚愧也恥也然則學守之功君子可自己哉。

析講此節因上文誤是餘意。○大全熊氏曰學先須辨得篤信守死底心又做得好學善道底事然後于出處見得明志得定用之有可行舍之有可藏也篤信是別之貞守死是行之固。○虹野曰危邦而入亂邦而居雖死不足以爲善有道

無可見而貧賤無道不能隱而富貴雖生而深爲可恥此皆無學守之爲也○按胡氏云上節邢小天下大此節只言邢則天子之通稱

### 不在章全肯

此章戒出位之謀位字本義得廣程註且以未仕及在下位者言之照葵說以士庶人謀公卿大夫之政言若推而廣之則上不可以侵下左不可以侵右亦是

### 子曰不在其位不謀其政

程子曰不在其位則不任其事

也若君大夫問而告者則有矣

參語類子曰有是位則有是政政又有位者所當謀若草輿之人不在朝廷之位不得謀朝起之政身在此間只得守此各有分限也

析講謀其政非但泛論是商度其可否之宜條陳其利害之故而思所以任而處之也此便足于分外事故君子不爲位以尊卑大小之位言與素位而行位字不同彼泛就所居言也

### 子曰師摯之始關雎之亂洋洋乎盈耳哉

摯音志雎

此夫子追嘆魯樂之盛有傷師摯之去而盛不可復見意觀首句始字可見始者詩樂釐正之候也是時以夫子之聖而正樂以摯之賢而掌樂故音節美

盛如此自師摯適齊而繼者皆不能及故追而嘆之

七余反○師摯魯樂師名摯也亂樂之卒章也史記曰關雎之亂以爲風始洋洋美盛意孔子自衛反魯而正樂適師摯在官之初故樂之美盛如此合參子曰吾自衛反魯適師摯在官之初是時詩樂之殘缺者補之失次者序之時所作之樂非但始作既從之爲美也卽至歌關雎之詩以爲樂之卒章其音節之盛真洋洋乎盈滿于耳而令人傾聽也哉蓋至今猶可想慕焉已析講虛齋曰關雎一詩在詩則爲首章在樂則爲卒章洋洋盈耳舉終以該始言自始至終皆美盛也○以關雎爲卒章必是太武益周家王業成于關雎而魯亦得奏之也洋洋盈耳亦有想見文王修身齊家治國太和景象之意翼註始字卽在官時對今不在官則爲始耳非專指初任言也

狂而章全旨

狂侗慳慳主質之偏言直愿信則偏中之美今併失其美者習俗之染也不知作非理之常言絕之

也亦醒之也

子曰狂而不直侗而不愿慳慳而不信吾不知之矣

侗音空

侗無知貌愿謹厚也慳慳無能貌吾不知之者甚絕之辭亦不屑之教誨也○蘇氏曰天之生物氣質不齊其中材以下有是德則有是病有是病必有是德故馬之蹄齧者必善走其不善者必馴有是病而無是德則天下之棄才也參淺說子曰凡中才以卞之人不能無病然有是病亦必有是德如好高者多直率無智者多謹厚無能者多信實此其常也今也或狂焉而不直或侗焉而不愿或慳慳焉而乃不信則有是病而無是德吾益不知其人矣此深

絕之之謂使其聞而改之是亦不屑之教誨也

析講志大言大謂之狂直者率真簡畧外無遮節也昏昧無知謂之侗愿者謹慎忠厚不敢時動也愚拙無能謂之慳慳

學如章全旨

上句自人摹其用功言下句方就學者之心言只

定愿慳慳者一定信此吾之所知也今皆不然則人情之變出乎意計之外矣豈吾之所知哉

子曰學如不及猶恐失之

言人之爲學既知有所不及矣而其心猶竦然惟恐其或失之警學者當如是也○程子曰學如不及猶恐失之不得放過才說姑待明白便不可也

參蒙引子曰人之爲學將以致知力行求進于道也可無勤敏之功與警省之志哉惟其用功也勇往向前如有所追而不及而其心猶竦然恐其或失之而竟不能追及也此乃真能自勉者矣

析講大金陳氏曰學貴日新無中立之理不日進者必日退如不能及者如不能日進也恐失者恐其日退也如此撑水上木船之追前船不可少緩既如不及而不能前進又恐失之而

反退流也○如不及者必求其得猶恐失之也

巍巍章全旨

此贊舜禹忘物之量也。溫曾作一句讀。巍巍全在不與只是內重外輕所性分定故耳正與孟子自視歟然章參看獨言舜禹者蓋以匹夫有天下尤難不與也。

子曰巍巍乎舜禹之有天下也而不與焉

與夫聲

巍巍高大之貌不與猶言不相開言其不以位爲樂也。合參子曰夫一命一爵之榮猶能盛人之氣而奪人之志巍魏乎氣象極其高大者其舜禹之有天下而不與乎舜禹本不是匹夫一旦有天下是何等尊貴何等威權何等奉養乃視乎之若固有焉漠然無所與焉以天下之大而無足以動其心是舜禹之心有大于天下者在也真不可及矣。

析講大全朱子曰今人纔富貴便被他勾惹此是爲物所役走自卑了了恭舜禹不被勢位壓倒夫子故稱其巍巍○巍巍六

者見超物表量包宇宙而氣象過人也雖就氣象上說却根心

心上來不與者崇高富貴不入其心若與已不相干似不

曾有相似觀其祫衣鼓琴若固有之非食惡衣不矜不伐可見憂勤意輕蓋不與非憂勤以盡君道之謂亦非無爲而治行所無事之謂只註中不以位爲樂一向已盡不可看淺了大哉章全旨首句總冒通章要看爲君二字全在堯之爲君處

正形形容其大唯夫三句見堯君德之大而難名下節舉其可見者言之而德則終不可名

益以見堯之大也二節不並重

子曰大哉堯之爲君也巍巍乎唯天爲大唯堯則之蕩蕩乎民無能名焉

唯猶獨也則猶準也蕩蕩廣遠之稱也言物之高大莫有過於天者而獨堯之德能與之準故其德之廣遠亦如天之不可

可以言語形容也

參太全子曰自古以來帝主多矣大矣哉冠古今而獨盛者其堯之爲君也何以見之巍巍乎高大莫過于天惟堯之德能集則之天如此大堯亦如此大與之平等故其德之丕昌

蕩蕩乎廣遠當世之民無能舉而名之

焉亦如天之大而不可下以言語形容也

析講天之巍巍以形體言堯則之以德言則不是法則法天特賢君之事耳此則字古其德與天相準卽同其廣遠意蓋天之體無物不覆冒而堯之德亦無物不徧及也○朱子曰兩惟字只是尊堯之詞不必謂堯獨能如此而他聖人不能也○唯夫三句以堯之德言則天正見其大無名正見其則天玩詎故字亦如字宜上重則字意下重無能名意猶言堯之德與天同其大而德之大者民無能名亦如天之大而人無能名也蕩蕩者浩浩如天廣遠無盡也無能名從廣遠字生來蓋狹隘淺近則可名矣亦只是心知其德而難以舉似意與無得而稱者不同

## 巍巍乎其有成功也煥乎其有文章

成功事業也煥光明之貌文章禮樂法度也堯之德不可名其可見者此爾○尹氏曰天道之大無爲而成唯堯則之以治天下故民無得而名焉所可名者其德而難以舉似意與無得而稱者不同

者其功業文章巍巍然煥然而已

合叅堯德之與天同高大者不可得而名矣然豈無可見者乎蓋吾見巍巍乎高大者其有成就之事業也如百姓昭明黎民於變時雍其治績之崇隆有莫可得而尚者焉煥乎光明者其有施布于天下之文章也如禮樂咸備法度脩明其治具之燦著有莫可得而掩者焉其成功文章又豈凡爲君者所能及者哉堯之可見者如此而德則終不可名信乎堯之大與天爲一矣

析講陳氏曰上巍巍言天之高此巍巍言堯功業之高○折

衷云德與功業文章一同流行但功業文章有迹可見德則積之心布之身而默運潛被于天下烏可以言語形容○成功文章俱作爲治之迹說勿作德之發見說若作德之發見又似能名之矣胡雲峯曰天之德難名也所可見者其四時生成之功德日月星辰之文耳聖人與天一也○玩折衷意則堯之德與功業文章亦不可判然看作兩物文章所以致此成功者德則默運于成功文章之內者猶過化存神一般所謂化可見神不可見也

## 舜有章全旨

夫子尚論本意原以周爲主唐虞特件說耳然亦

非並論周家才德之盛只是論才于周而因及于

德論武所<sub>カ</sub>得之才而因及于文見才之盛本于德之盛周才之盛可次于唐虞而周德之至亦無愧于堯舜美周之意在言中惜周之意在言外蓋不忍周以才顯也

## 舜有臣五人而天下治

治去聲

五人禹稷契臯陶伯益

參序門人將述孔子評論人才之言先記之曰有虞帝舜紹堯而有天下其時有臣五人而天下以治蓋舜得五人之助如此

析講舜有二節並言二代之人才蓋訛者因夫子才難之嘆故先記此以起之而舜有句又實因唐虞之際何而揭之也說舜處要本紹堯有天下來上方與下唐虞之際句相應有禹則水土平而庶績熙有稷契則民人育而教化興有臯陶伯益則刑罰清而山澤理所謂天下治也○陳氏曰虞廷之臣五人其尤也邢疏禹縣之子也舜命作司空平水土之官也稷帝嚳之子也舜命爲后稷布種百穀之官也契亦帝嚳之子佐禹治水有功舜命作司徒布五教之官也臯陶字庭堅顓頊之後舜命作士理官也伯益高陽之子舜命作虞官掌

## 武王曰予有亂臣十人

山澤之官也

書泰誓之辭馬氏曰亂治也十人謂周公旦召公奭太公望畢公榮公太顓闔天散宜生南宮适其一人謂文叔訓侍讀以爲子無臣母之義蓋邑姜也九人治外邑姜治內戈曰亂本作亂古治字也參序文王大勲未集而武王克成之其誓師之言有曰予有發亂之臣十人蓋武得十人之助如此析講此二節反是下節淳脚預列于此敘而不議爲妙○兩節俱是門人因聖言而記此蓋先案而後斷亦因斷而有素也○纔說個泰誓卽觸着事殷至德處一箇嘴才難一箇又想到文王也故又有末節然舉此只爲才難又不可預侵此意○治亂謂之亂邢疏周公名旦封于魯食邑十周召公名其先祖佐禹治水有功封于召故曰召尚尚後封于齊畢皆國名入爲天子公卿畢公文王庶子太陽散南宮皆氏顓天宜生造皆名也○邑姜武王后太公女

孔子曰才難不其然乎唐虞之際於斯爲盛有婦人焉九人而已

稱孔子者上係武王君臣之際記者謹之才難蓋古語而孔子然之也才者德之用也唐虞堯舜有天下之號際史會之間言周室人才之多惟唐虞之際乃盛於此降自夏商皆不能及然猶但有此數人爾才之難得也

參蒙引

孔子因泰誓之言而嘆之曰古語云人才之生最爲難得不其然乎我看武主得臣十人而周室安人才之盛如世之英實爲之佐而天下治觀之有周爲獨盛耳降自夏商皆莫能及也然十人之中邑姜又爲婦人耳以此看來只是九人而已亦未滿十數也則人才之難得也信乎其然矣

析講吳氏曰唐虞至爲盛作一句○此條夫子本爲周言惜才之以臣伐君所遇非時盛而未盛故援唐虞形之耳五人盛于十人者蓋人才視其人品地位何如不以多寡爲盛衰也○才難之嘆有二意一言生才之難見需才而或當之才

春秋傳曰文主率商之畔國以事紂益天下歸文王者六州荆梁雍豫徐揚也惟青兗冀尚屬紂耳范氏曰文王之德足以代商天與之人歸之乃不取而服事焉所以爲至德也孔子因武王之言而及文主之德且與泰伯皆以至德稱之其旨微矣或曰宜斷三分以下別以孔子自起之而自爲一章合參周之才固與唐虞比隆矣然豈獨才之盛已乎吾因而是三分之周已有其二只反手而悉爲周有矣文王乃堅守臣節率商之叛國以服事殷周之德其可稱至德也已矣與

三分天下有其一以服事殷周之德其可謂至德也已矣

唐虞揖遜之德何多讓焉才德並隆此周之所以爲盛也  
析講武王以十人之力克商有天下猶未若文王之可以取  
而不取故孔子因武王之言而及文王之德○朱子曰文惟  
知以臣事君而已若謂天下紂尚有之或以商先世德汎未  
忘曆數未終紂惡未甚則是事非其本心安見至德○禹

氏曰不日文王而曰周以對殷而言也○有一大約言人心  
歸周者大半不必泥六州說此正見文王勢可有天下乃能  
守服事之節是惟知爲臣止敬而不知其他所以爲至德  
一執中之傳者也非飲食三句恭綜細碎雖只論其軼事却要于各句而字中兩兩比較豈儉適宜處想出他  
心法來蓋十自奉則儉人心惟危者安矣于神民則豈道心  
惟微者著矣豈儉適宜卽各遇其中也故無得而間之

禹吾章全旨

夫子稱禹全在註豈儉得宜意此正禹所以紹堯  
一執中之傳者也非飲食三句恭綜細碎雖只論其軼事却要于各句而字中兩兩比較豈儉適宜處想出他  
心法來蓋十自奉則儉人心惟危者安矣于神民則豈道心  
惟微者著矣豈儉適宜卽各遇其中也故無得而間之

子曰禹吾無間然矣菲飲食而致孝乎鬼神惡衣服而致美乎黻冕卑官室而盡力乎溝洫禹

吾無間然矣

間去聲菲音匪黻

音弗泚呼或反

間罅隙也謂指其罅隙而非議之也非薄也致孝鬼神謂享祀豐潔衣服常服黻冕膝也以韋爲冕冠也皆祭服也溝洫田間水道以正疆界備旱潦者也或豐或儉各適其宜所

以無罅隙之所議也故再言以深美之○楊氏曰溝於自奉而所勤者民之事所致飾者宗廟朝廷之禮所謂有天下而不與也夫何間然之有

參序子曰凡君子天下者所爲不協于中則得指其隙而議之若夏禹者吾無間然矣如自己飲食則從非薄而致其豐潔以孝乎宗廟之鬼神犧牲粢盛無有不備焉尋常衣服則從粗惡而致其華美于祭服之黻冕盡制盡物無所吝惜焉自己宮室則從其卑而盡其經治之力于田間之溝洫使無水旱之災是能儉而又能豐各得其道爲君若禹者吾真無間然矣

析講天全胡氏曰舜稱克儉于此見之授禹以執中亦于此見其能行之○淺說盡力溝洫多費已力而不吝于豐字亦切不必費財也○王觀濤曰夫子獨稱禹者固人言帝降而

王有德衰之訓也。○鬼神曰致孝益宗廟之鬼神也。散冕註皆祭服亦主敬神言致美者不敢輕棄以慢神也。白虎通云黻者蔽也行以蔽前天子朱黻諸侯赤黻尊卑以淺深爲異上廣一尺下廣二尺天一地上一也長三尺法天地人也漢制度云冕制皆長六十廣八十前圓後方各十二旒每旒各十二垂袞冕十十二旒鷩冕九旒毳冕七旒綿冕五旒玄冕二十旒考士云匠人爲溝洫九夫爲井井間廣四尺深四尺謂之溝方十里爲城成間廣八尺深八尺謂之洫。○三段只是偶爾連舉不是菲了然後可以致孝惡了然後可以致美卑了然後可以盡力也。

論語卷之四

早稻田大学図書館

011888004051